

檉華館駢體文全冊



830945

檉華館駢體文目錄

恩撫陝西各屬謝摺

恩卹陝西潼關等處被水榆林被霜緩征謝摺

代浙江舉人鮑廷博謝恩摺

恩卹潯縣知縣強克捷 賜增韓城縣學額五名謝摺

恩卹陝西被水各處分別緩征兼撫一月口糧竝 予

修費謝摺

鄜州志序

邱樹山試律序

檉華館駢文 目錄

御製喜雨山房記恭跋 代

別峰上人禪餘集跋

武功姚刺史和姚祕監武功縣居三十首詩跋 代

跋張比亭雁字回文詩後

與沈禮田太守書

謝某中丞惠讀易集說啟 代

謝朱蔭堂惠醬菜溲米啟

與謝芝岫秀才書

與富海帆中丞書



謝何保如明府啟

閔太孺人貞壽序

朱孺人五十壽序

代

黃濱漁太翁壽序

岳母杪太夫人八旬壽序

代

許太夫人壽序

吳蔗鄉師壽序

朱潛庵司馬暨秦宜人六十雙壽序

楊宓峰方伯暨配馬夫人雙壽序

代

檀華館駢文

目錄

二

富海帆中丞五旬壽序

重修鳳翔府鳳起書院碑記

代

遠眺園記

咸甯縣新建魁星閣碑記

魏母王太孺人傳

朱小厓墓志銘

咸陽 關帝廟祝文

代

太白山禱雨文

代

祭邵太恭人文

祭劉藜軒給諫文

日試萬言賦

風行水上賦

雲母屏風賦

荷花生日賦

并序

秋柳賦

秋砧賦

幾生修到梅花賦

秋菊有佳色賦

并序

檉華館駢文

目錄

檉華館駢體文

盤屋路德閏生

恩撫陝西各屬謝摺

欽惟我 皇上玉燭調元珠囊啟瑞 辰居作所

溥大化於甲區 申錫無疆 廩誠求於寅殿箕

風畢雨三農之穡有秋 舜日堯雲五帝之時如夏凡

茲庶姓共唱禾詞雖有偏災全無菜色竊惟西陲地僻北

郡寒多披三輔之版圖肥磽參半計一年之節序冷暖難

齊禾偶歉夫百困倉未謀乎四輔 覽曷臣之奏如聽

檉華館駢文

鴻噉 念穡事之艱特頒鳳詔酌三萬戶以濟眾茆蒞

均霑散七千石以興氓稻梁無匱關開四扇傳 天語

以騰歡澤被三秦效嵩呼而洽慶臣等情關粉社身侍

楓宸問稼政於東菑鳩安倍切拜 溫綸於北關

駿惠難名惟願大有書年占戊雨庚晴而不爽屢豐入

頌統寅禾已黍而咸登仰慰 宸衷隴畝悉歌夫樂利

早完 國課閭閻爭效夫輸將

恩卹陝西潼關等處被水榆林被霜緩征謝摺

欽惟我 皇上寅殿調元王林 錫福歡臚 禹

甸賦惟取乎下中祝應

堯封人倍勤於畊鑿鳩安萬

姓程工塵瓠子之防屬趣三時

省斂溥畚丁之利凡

蔀屋之冬寒夏暑皆

楓廷之旰食宵衣竊惟蓮嶽西東

野多下溼榆關左右地屬高寒本沃壤之同稱值偏灾之

偶告雨零過度青添瓜蔓之波霜實愆期白變蒹葭之露

田原匪石稼未如雲計南畝之菑畝勞

帝廷之籌畫

特頒

鳳詔立沛

鴻慈

覽置吏之章舊欠悉

寬其往歲

布農曹之令正供竝緩以來年吏省追呼

民安作息亥墟比戶同瞻

化日之舒長子惠興眎其

檉華館駢文

二

荷 需雲之布濩臣等光依

北闕籍隸西陲念稽

事之艱難深素負仰

詔書之寬大感切丹誠伏願

宜麻宜麥宜黍宜禾樂事成符於豳雅從茲時燠時寒時

暘時雨休徵畢應夫箕疇

代浙江舉人鮑廷博謝

恩摺

奏爲據情代奏恭謝

天恩仰祈

聖鑒事據浙江

欽賜舉人某呈稱竊某樗櫟凡材蓬茆下士一丁擲

識夙勵志於青年二酉未探勉讀書於皓首仰

帝治

之巍巍蕩蕩觀乎文以化成惟小儒之見見聞學然後

知不足特搜往帙用輯叢書沐 先皇眷士之恩丹

毫載咏荷 聖主作人之化翠墨親題茲因蒲柳編成

棗梨棗出敬呈 乙覽上達 辰居迺蒙 鳳藻

之褻俾賦鹿萃之宴 日月所照陽和下逮於幽崖

雨露無私霑潤不遺於小草謹抒蟻悃莫報 鴻慈

懇請據情代奏前來臣等仰見我 皇上誕敷文教嘉

惠耆儒甲子詢年邁延齡於絳縣丙丁分部 勤典學

於彤廷幸 文章可得而聞欣欣然有喜色知 天

地所以為大蕩蕩乎無能名所有某感激下忱理合據情

檄華館駢文

三

代奏伏乞 皇上睿鑒謹奏

恩卹潞縣知縣強克捷 賜增韓城縣學額五名謝摺

竊某等材慚樗櫟社共枌榆樂浸仁沐義之風 聖作

而萬物覩值偃武修文之日經正則庶民興陪鷺序於

宮庭羣深舞忭慶鳩安於關隴共荷 生成竊維前

潞縣知縣強克捷職居百里節効全家思製錦以宣勞遠

結纓而殉難在人臣報 國於義宜然而 聖主酬庸

有加無已 製褒忠之謚爵龔箕裘 旌抗節之賢

榮生巾幗禮隆 賜祭 鴻慈更逮於舊臣 化

溥作人 駿惠同霑於庶士 特頒綸綍用勵膠庠

服青衿而歲歲加增芹宮頌 德讀 丹詔而人人

思舊梓里蒙休凡 九重逾格之榮施實億載非常之

曠典某等身依 舜日籍隸秦風曾無塵露之微時切

冰淵之抱茲承 申命倍懷寅衷惟夙宵恪守官箴勉

無違於 聖訓與鄉里共端士習冀稍荅於 君恩

恩卹陝西被水各處分別緩徵兼撫一月口糧竝 子

修費謝摺

欽惟我 皇上德普八埏治調六幕黃流順軌程工

櫻華館駢文

四

塵瓠子之防綠野服疇 教稼溥畝丁之利倉三四

黼豐年之收穫多贏庇千萬間 仁宇之幬幪益廣家

傳魚夢戶慶鳩安共鑿井以耕田咸衢歌而邑頌惟茲西

土適有偏災飛雹偶間灑野流潦未免傷禾稷穗黍苗稼

穡惟祈於田祖荻花瓜蔓屋廬或隄於波臣 覽冏吏

之章 特頒鳳詔 下農曹之命疊沛 鴻慈業

稽郡縣以 宣恩復按邨墟而 施惠賦分新舊悉

展限以來年灾判重輕俾無荒其本業饗殮可給信餽口

之有資棟宇重完更棲身之得所從此渭川左右洛汭東

西野多擊壤之暇邑少催科之吏我疆我理陰陽變而水不能災爾宅爾田燥溼均而地甯愛寶關開四扇傳

天語以騰歡嶽簷三峰效嵩呼而洽慶臣等情關粉社身侍  
楓宸凡小民之飽倉安居皆 聖主之深仁厚

澤 詔占渙汗感切淪肌伏望大有書年屢豐輯頌禾生寅而麥生亥三農之歲取維多仁爲里而德爲鄰百室之時雍有象

### 鄆州志序

雍州南北諸山隱嶙鬱律隴川開瀆巖壑相轄茫茫旣旣  
檉華館駢文

無有垠鍔 聖主宵旰之所廕也疆吏籌畫之所急也

推惟南山實曰豐壤林麓黝儵珍產夥塏流疊梯可以

藝稔稻板屋圍柵可以偁松梓其佗飼蠶於野採魚於川

熺炭幽厓刷藥崇岫皆周用無匱帶鸞兼羸巴濮失業之

民吳楚善賈之客或梯嶂而至或架巖而棲雖其地勢潛

穢易隱姦回要爲富庶之鄉沃饒之藪也司牧者但能綏

商旅劭耕桑均租庸理牒訴或臥閣以治之或懸鞭以威

之固可使鳴桴不聞按堵無恐也已若夫北之與南豐确

之相懸也庸可同年而議乎獲田猶石有水如泔童山之

樵蘇之利陶穴鮮樞杆之用縱吹鄒子之律寒谷安可暖也縱擅史白之術烏鹵安可腴也鄜州處萬山之中爲四塞之地西纏環慶北騎延綏東控河洛南帶涇渭在昔白翟恃險董翳建都人爲沙蟲國如棊卵漢唐以降迄乎勝國兵燹之慘史不絕書至我 朝定鼎 皇澤豐沛去煩蠲苛元化所甄庶物咸鬯然猶有狡寇陸梁恣其輻輳赤子征徭若寄虎吻又其甚者州城之下有洛水焉出乎隘陘急如建瓴旱乾則沸潏漲溢則溟渤其爲勢也滔滔涓涓滄滄汧汧涇涇澗澗滄滄澗澗潏潏沙磧石

檀華館駢文

六

堅城爲之阨堵大廈爲之菴攏萍苻挂冑於棟宇鼃鼃叫噪於街衢辛巳之灾刷盪尤甚竊嘗披曩編攬近事不禁愀愴惻愷嗟鄜民之向隅也今制軍鄂公廉訪楊公曾先後牧鄜拯溺療飢修廢舉墜固已出阨危弭疇患矣然癘疢甫調猶待攝衛顛眴雖解尚餘啗齧迺擢吾師蔗鄉先生治斯郡師宦秦三十載尹六邑虛朗冲定鑒古知今其察方慝也如老農之易墮其規吏事也如良庖之奏刀典衣笥空而野歌五袴採銅水近而囊無一錢象政以琴處人以柸莅鄜四年百姓綏焉五要簡焉師猶慊慊而不自

適也曰一郡之治資乎版籍戶口升降之數田賦登耗之  
詳儻有廢缺是生苛慝刀筆之所錄廨舍之所藏曩已淪  
於波濤化爲泥滓矣後來君子將何以備鈎視供簡稽哉  
況茲邦也茲民也怵迫窮荒憚愼寒餓十稔之豐未覩其  
充物一歲之歉不免於流亾規制不定簡牒多歧民則匙  
於歡吏則褊於惠能有多者鮮矣迺延儒紳召耆艾索往  
籍搜斷碣或訪之屬吏或請之大僚哀爲州志五卷件別  
條分綱提目舉旣集緝鋸將棗棗黎以書郵寄乾陽命德  
校正且爲序德盥手披之朗如列眉瞭如指掌事皆摭實

檀華館聯文

七

語無憑虛信字毗者之圖譜敷政者之鈐鍵也夫般倕效  
工必程材以構象可曠調律恆隨器以變音水行乘舟挽  
於陸則膠矣夏暑衣葛被於冬則慄矣矧夫地有險易時  
有亭屯機宜或躋芸生斯悴植則爲桑梓隕則爲蓬蘽馴  
則爲牛羊激則爲豺獍或郡邑接壤而區畫迥殊或今昔  
同軌而功過相反將攬利病愼沿革杜僞牒之弊剔竄簿  
之姦舍志乘奚繇焉昔李吉甫誤元和國計簿增減仿於  
天寶蘇文定纂皇祐會計錄汰制沿於紹興揆往日之簡  
編卽將來之軌躅是書研覈同異雜梓繁蕪後之觀者雲

然爽曙長吏之心罔隔於民隱張弛之道不乖於土風雀  
鼠息爭臺阜無擾隄防鞏而水灾弭眈暇闢而田事修畝  
有饋貧之糧庾有流衍之粟然後進元髻黃髮之眾與之  
言孝慈集團冠方履之儒使之肄弦誦俾飽德畏義懷懣  
思避祿歲不害暴民不興雖果毅如鄭渾持重如曲端張  
浚擣虛之策李泌伏兵之計無所用之是編之福鄉民也  
豈蹇淺哉德懸鞍杜門垂十年矣易仕而農傭書爲蒼久  
冥情於吏治亦無心於壯遊儻頭風漸愈腹疾不作將躡  
芑鞵戴席帽南越秦棧北度鄜坊矚黃蛇之時探雕鷹之

檀華館駢文

八

穴攀梅柯之嶺陟櫻桃之山崢嶸赤雲訪杜公之舊窯焉  
芸蘿古寺覓秦王之遺鏃焉收入金賤商榷圖橐雖還珠  
買櫝見譏於賈人刻玉爲楮取訕於哲匠所不辭也願乞  
一編藏諸行篋以爲游覽之助云爾

邱樹山試律序

夫構隆廈者非矜一木之支陳華酌者不爭五升之飯是  
故雲斤月斧盡變態於棋枰鸞髻猩脣溢奇芬於梓俎雖  
使巧如王爾通若俞兒安得不萃瓌材選珍味哉六詩之  
敦詳於曩編楚謠漢風魏製晉造騰壯思於胸臆發濃采

於縹緗馨逸自成輝烈彌茂變爲試律用諸制科意祖風  
騷體兼雅頌竝以雅潤爲本清麗爲宗聲律爲竅物色爲  
骨譬因枝以振葉實別派而同源爲之者必有瞻蔚之才  
沈鬱之思跟經躡史摛理陶神領略不虛襟靈交鬯乃能  
雕羣形於五字明百意於片言斯事雖微蓋亦精神之浮  
英造化之祕思經籍之鼓吹政化之黼黻也樹山前輩妙  
年屬文祕省研籍濃薰高摘靈均香草之辭暝寫晨書少  
師韭花之帖撰十篇之皇雅綜三長於史宓旣富英篇更  
多綺製或

禁庭應試給札輒成或近局相招分題競

檀館華駢文

九

賦傾金壺以斲字持玉尺以量才固已飛譽詞壇角雄藝  
闈及其出守延安也危路橫礪荒城枕山岫幌開而丹梯  
明泉紳落而碧澗響葉飄官舍併作秋聲花發塞垣別饒  
春豔行部勸農之暇坐衙清獻之餘數典則陶甌七層記  
事則珍珠一串汲長孺之臥閣夢魂自清段成式之著書  
宦遊不輟時商舊橐更發新機疊矩重規曲盡方圓之妙  
萬碎千灌乃彰千鑊之奇鋤其芳蘭仄徑無礙斧彼叢桂  
小山轉幽或撚髭而唵或脫口而出得詩若干首攜之行  
篋訪我寓齋將棗棗黎命加朱墨原夫羊城象郡達夫之

警聯海曰江潮駱丞之壯采月盡珠來之句響遏雲行峰  
青江上之篇妙由神助肇自唐代盛於本朝鑿裁各殊  
聲貌益廣惟是雕冰鏤雪縫煙綴雲氣靡靡而不開語鳳  
鳳而無序篠驂卉犬既失其本真甲帳丁年更滋其流弊  
義駸辭譎紛趨競馳雖繡盃之可珍等玉卮之無當或且  
專尚空言自誇白戰如太倉之粟陳陳相因如中河之舟  
汎汎其逝三百篇後賦得僅存其名八十字中語助或居  
其半但資鈔襲罔所稟階以文爲詩蒙無取焉矧夫廣肩  
高髻靚妝遞更衣章繡紋花樣時改後波凌而前波逝舊

檀華館駢文

十

雨過而今雨來曩之粹羽明金紅腔綠韻今已灰泯燼滅  
響絕音沈抑或人傳數篇篇傳數句真龍之尾孰見全豹  
之皮罕畱求其意旨清新體裁明密黃鐘不雜於瓦缶碧  
樹更間以珊瑚百餘年來一二人爾是集選辭典緝竟體  
鮮明露蘸筆以垂珠墨潑紙而橫錦儷聯必稱燕雀平衡  
聲韻必諧鳳凰應律要皆獨出新意自成一家不仰掇於  
陳柯不俯攀於宿莽至於鯽鯨參差之會蟹螯膠盃之間  
拙者見之而皺肩巧者當之而束手刀刃無厚遊虛有餘  
鍼端有芒通結無阻其面執也審其導窳也微幽祕爲之

開筓蕪穢爲之剪截洵足穰秣前秀津梁後賢也已德未  
學編蒲妄思刻棘不譏自鄙竟荷推袁載誦華編將韜弱  
翰聊弁言之是附愧箋釋之未能譬猶皇琴之歌乍聆雲  
管柘枝之舞忽對霓裳既懼然而易容且嗑然而自笑矣  
御製喜雨山房記恭跋

代

臣聞星環北極

辰居占解澤之敷月近西成酉熟協

豐年之兆仰

一人之保赤見大地之回春蓋

乾

以君之物皆得所而

聖之時者

天且不違以

造化之心爲心後天下之樂而樂庶民之好惟雨億兆臚

權華館駢文

七

歡三日以往爲霖

九重誌喜欽惟我

皇上寅殿

調元甲區

錫福燮陰陽於廿四氣風以風人被潤澤

於卅六番雨能雨我迺者自春徂夏少雨多晴思庶徵悉

協夫箕疇惟

睿慮倍虔於湯禱

雝宮肅廟果荃

宰之潛孚潤葉濯枝信桐生之茂豫曉清蹕路輒紅銷

馬足之塵遙望農疇新翠潑龍鱗之隰正茅檐之稱慶值

松棟之落成

太液添波異乎水而上水大民擊壤謂

其臺曰靈臺

房以山名理適符乎仁樂

記因雨作事

上慰夫

聖懷

題銀榜以星懸

灑丹毫而露湛臣

作梅愧傳膏黍慚郇快誦 鴻篇曷勝雀躍民無菜色卜  
寅禾壬豆之咸登人切葵忱偕亥叟丁男而相賀 文  
煥堯雲之采蕩蕩乎無能名身依 舜日之光欣欣然  
有喜色

別峰上人禪餘集跋

余曩客青門遊城西崇仁寺斜日在樹微風動旛徑栽懷  
素之蕉門倚瞿曇之杖鴿馴蒼紫客來不驚魚喚庚辛樂  
極無礙別峰禪師肅客入開櫺函於研北移茶竈於窗南  
瓶鉢雙清心髮俱白余知其非凡僧也問能詩乎出禪餘

檀華館駢文

三

集二卷無蔬筍氣有山水音炳慧燭於昏塗粲空花於意  
樹現身說法應令頑石點頭卽景成唵先以楊枝漱齒闡  
如如之妙諦續得得之遺聲禪耶詩耶余莫能名之矣所  
異者師習靜山林久隔人境白雲一榻與之同居青壁千  
尋時而孤往七箇蒲團坐破幾雙屐屢踏穿要祇誦元言  
持白法聲塵無著色相全空豈其櫛句摘章規唐樞宋而  
性情所至無事於推敲天籟之鳴自諧乎競病揮松枝於  
禪閣指布袋爲詩囊每遇唵朋輒令擊鉢偶拈佳句便欲  
撞鐘自非含智慧之芽證菩提之果者其能與於斯乎師

雅抱虛冲務歸簡約特屬余點定刪其什九錄若干篇付  
之梓人公之藝苑千羊匪貴片羽堪珍廿載交游詩僧絕  
少一朝邂逅淨業同參悟泥裏之蓮華指庭前之柏子從  
此策驢訪舊揮塵論文開祇樹園設伊蒲饌入慧遠師之  
社未免陶令肩攬擬休上人之篇敢說江郎才盡

武功姚刺史和姚祕監武功縣居三十首詩跋

代

庭魚挂處久蜚循吏之聲戎馬歸來猶是書生之面聽邊  
城之饒吹化一縣以絃歌堂臨綠野之春武功有綠野書院人來  
問字筆蘸西江之水政暇裁詩嗣遺響於晚唐躡芳蹤於

檉華館駢文

三

祕監卅章依韻五字成唸如珠之黍盤如輻之共轂重鐫  
碑碣姓字俱馨遠溯家風淵源斯在此日秬秠香裏爭傳  
邵室之新篇他時鸚鵡聲中更唱隴山之好句

跋張比亭雁字回文詩後

行行印水曾傳戲海之篇咄咄逼人大有摩天之筆題標  
雁字代著鴻章然皆侔形揣稱體物爲工鄭谷以鷓鴣得  
名崔珣以鴛鴦爲號洵屬藝林之佳製究非文苑之奇談  
吾友張子比亭慧識禽言神搜鳥迹東塗西抹具活潑之  
機暝寫晨書極淋漓之致飲醕助興萬紙供其一揮弄墨

恣疲千毫因之盡禿吾夙慕其跳龍之妙翰初不知爲吐  
鳳之詞人也乙亥秋見惠墨刻雁字回文詩若干首宛轉  
相生循環不斷按沈郎之韻織蘇蕙之圖雲涵波詭之思  
日送手揮之態如斷崖絕壑策杖獨行如駭浪驚風挂帆  
竟去句中有句奇外出奇夏夏其難多多益善讀未畢竊  
歎曰文心狡獪一至此乎至其書臚四體派衍諸家躡斯  
邈之蹤入晉唐之室新詩題罷好鐫瘞鶴之銘佳話傳來  
快覩換鵝之帖旣資諷誦復便臨摩洵可寶已漢陂之上  
紫閣之陰山水娛人文章假我鷗盟鷺侶竝助其吟情雀  
檉華館駢文

西

錄雜碑益探其古趣訪君他日會看風雨揮毫笑我今番  
也似雪泥畱爪

與沈禮田太守書

十年離別萬里歸來喜顏貌之未衰歷辛勤而增健書窗  
促膝樽酒開懷話塞外之風煙敘軍中之苦樂孤城斗大  
危於劍米之炊空壁塵揚巧甚輿柴之計驚心不已傾耳  
忘疲如聞笳鼓之喧喧恍見旌旗之獵獵惟是塵談甫接  
驪唱旋催心徒悵於攀轅情未伸於投轄恨不偕杖藜父  
老騎竹兒童共爲杖杜之畱再作甘棠之憩青門小住紅

旆遊征日近長安

天臨咫尺宰輔以薦賢爲事

朝

廷念宣力之臣凝立下風當聞吉語竊謂羅八珍之鼎終

遜純羹披一品之衣不如簞笠果酬

恩於絳闕合怡

志於青山霖雨旣濡岫雲斯返南湖蘋煖舟入鷗羣西塞

花開酒兼魚美對孺人以娛老弄稚子而忘憂旣追馮衍

之芳蹤更展吳生之妙手六朝在眼列金粉於窗前五色

濡毫湧煙雲於紙上宣威沙漠馳譽丹青自昔難兼於今

可併人生快事孰逾於斯某病廢多閒疏慵增甚霞盲泉

痼非藥石之能醫月地雲階久夢魂之不到所望金篦早

檀華館駢文

五

刮蠟屐徐行儻汗漫以游吳定殷勤於訪戴鶯花有約山  
水方滋爾時當槃礴解衣淋漓和墨貌我於樓臺煙雨閒  
也今奉吳中秬米二囊高麗人侵二兩稍資攝衛尙望晒  
存語短心長伏惟垂察

謝某中丞惠讀易集說啟

代

蒙賜新棨讀易集說十二冊虔心拜捧載切葵傾凡目披  
觀大開茅塞竊惟聖人說卦君子玩辭情變動以不居理  
範圍而不過漢三家之後迭出卮言宋五子以還聿昭奧  
義惟伊川之易傳本周子之易通橫渠亦服其深明紫陽

嘗稱其平淡後此諸儒繼起宗旨逾明雖不掩其瑜瑕亦可收其封非惟是山陬海澨既罕覩夫全書握槩懷鉛孰折衷於眾說窮經有志向若徒驚惟我夫子吉叶允升亨占交泰豫順以動敷解澤於羣生謙尊而光揚巽風於下更謨陳鳳辰承恩榮晝接之三志在犧經好學

檉華館駢文

夫

人之事備焉某才滯蹄筌學慚腹笥讀馮元傳羨異夢於蓮華依畢郢原莫乞靈於著草幸受韋編之誨俾爲弦佩之資咀三味而逾馨捧一劬而增重易者象也能悅諸心學以聚之如示諸掌從此勉圖晉進恪守師傅希遽瑗之知非效侯芭之問字今日青氈攤卷快看卅六之春異時絳帳陳經敢避再三之瀆謹陳螳悃用謝鴻慈

謝朱蔭堂惠醬菜瀆米啟

嘉惠拜登感荷無旣醬甘於醴食不羨夫八珍米貴如珠途况經夫萬里頰車響動舌本香留其味在冰甜玉粹之

聞其品在精綠秔紅之上從此菜根可齧能供病客之餐  
他時飯顆相逢免笑詩人之瘦寸衷此謝卽頌爾綬

與謝芝岫秀才書

德西鄙幽介疑啟寡聞幼耽詠唸取訕畫虎因館課小詩  
謬爲曰下諸同人所賞遠近索觀鈔胥苦之爰擇百餘篇  
付之剞劂以應求者慘代搦管之勞竊懷覆瓿之懼壬午  
春歸田蒼痾杜門習靜毫研久廢賓朋益疏瑟居無慘慳  
學曰甚辛卯秋道經始平宿故人陳茂才家間有武功佔  
人客揚州者攜歸一函不久當寄遲至昨春魚雁杳然轉

檀華館駢文

七

託介紹就武功索回發函展閱乃手註拙作試帖詩二卷  
簡核精鑿辭無曼衍又得鄭於李三先生各撰佳序弁諸  
簡端使鄙人鄙製流傳藝林無翼而飛不脛而走間見之  
該洽懷抱之冲虛感佩於心莫可談悉竊謂詩之有試帖  
法律特嚴風格易靡作者但守繩墨鮮知變通短韻狹詞  
頽爾如委不比古近諸體可以發抒性情揚挖風雅壯夫  
羞之而不爲才人卑之而弗道前輩惟吳穀人先生深閤  
而肆一洗萬古大鵬善變蜩鳩共飛神獅全力象兔俱搏  
自是以還海內詞人騷客不復輕視帖體巧心妍手齋驚

竝馳各出神思自成馨逸工此體者不知幾千百家其梓行於世者復不下數十百種鰓生有幸生逢此時如小巫之見大巫東施之對西施方欲拔茆而棄敢效捧心之曠矧大君子以南金東箭之美擅潤古雕今之才方將摛文木天珥筆丹地迺復抱嗜痴之癖殫飾羽之勤張咸池於洞庭不遺瓦缶采珍玉於元圃兼收砮砮刻畫誤施矜寵太過幹才自忖顏輒赭然卷中字句歧異頗多或展轉傳寫烏焉遞更抑或一二名流代加斧藻就中有遠勝原本者點石爲金拱璧同寶師資一字永矢弗諼閒有柄鑿

檀華館駢文

六

相妨索解不得安越者未識章甫適郢者不見冥山蒙昧殊深齟齬不免姑存原本以俟將來文章爲天下公器奚避奚處各執一說譬如東西相反未可相無作者之不敢詭隨亦猶改者之不肯曲傅質之解人應不河漢斯言惟是吳越山水夢遊熟矣東南人士神交久矣曩昔未冠時曾薄遊江北小住淮南距維揚不遠欲覽廿四橋之勝買舟南下直抵蘇杭兩次治裝一阻於風一阻於凍將訂後期適先大夫罷官西去手書召還鬱悒返權未果斯行茲處鄉閭宦遊京國塵鞅未息病魔又來張籍之目甫

明隱侯之腰更減亦復鏤心織辭規唐摹宋獨唱無和幽  
棲匙歡儻得屏藥鑑戴椶帽作湖海之客爲汗漫之遊續  
翰墨之緣訪歐蘇之蹟迭舉高會徧交羣賢詩臺選樓攜  
紅友以入座青簾白舫召玉人以吹簫竊所願也未知山  
中病夫有此福緣否積悃經年素書一紙二分明月宜照  
我心

與富海帆中丞書

辱承關聘豫訂明年誣諉過殷悚惶無似駟非皎皎深慚  
維繫之情羊自兢兢久有下來之意加以身纏沈痼性益  
穠華館駢文

九

疏慵迹雖類於舌耕學早荒於百會一年承乏藉瞻卿月  
之光輝多士紛來竟少春風之披拂敢久居於高座願屏  
處於窮閭暫駐衰顏聊棲病榻憶昔農曹之假尚許歸休  
豈今講席辭勞弗令退避用陳下悃敬繳華楫

謝何保如明府啟

勞人草草賤啟久稽咫尺棠封時殷景跂昨舍閒運米池  
陽甫下涇舟羸匹奔逸塞翁失馬慚駕馭之乖方行人得  
牛奈追尋之乏術幸蒙派役訪覓日未淹晷得之於南郭  
農家仰見中牟綰綬稚子能仁單父鳴絃漁人自肅遂使

柴車過返莠廐不空備少游下澤之乘聊當緩步方裴相并州之贈倍荷高情載念關垂曷勝銘感

閔太孺人貞壽序

夫金石質堅光生於磨鍊松筠節勁秀拔於風霜歷千劫而不銷貫四時而弗改在物如此於人可知是以築臺以表懷清過閭而式行義但論姓氏已足千秋何況神朏多登上壽吾友胡子靜堂之繼母閔孺人者洵足流輝彤管端表青閨也已孺人生鳴珂之里臨濯錦之江誦春椒之銘製秋蘭之佩儷鍼神於薛氏協壺史於曹姑時我某某

檀華館駢文

三

太翁遊宦西南聲華焜耀下吏望風而拜諸侯倒屣而迎術不羨乎王楊裝早羸於陸賈忽亡故劍用續新絃河鯁河魴見入門之祥女桃華桃葉詠宜室於詩人開孔北海之樽羹調廚下置鄭當時之驛佩問閨中譬如律呂交應而雌啗之奏諧經緯相成而虢費之文絢嘉耦曰配宜其然乎伯奇放後爰食棹花閔子少時曾衣蘆絮無他屬毛者鍾愛異腹者損慈自古而然恆情不免孺人之於靜堂也胸無畦町力竭劬勞以趙盾爲賢人撫王祥如己子雖蘭徵無夢玉未墜於懷中而萱樹忘憂珠自珍於掌上求

之巾幗殆罕其倫然而櫛實多酸蓮心太苦期相莊以偕  
老鄭重齊眉占先笑而後咷吁嗟執手蓋太翁宣勤邁疾  
在客思鄉歷蜀道以同歸竟秦簫之中斷時年五十有五  
孺人二十有一青鸞孤舞黃鵠長歌矢志摩笄堅心絕粒  
豈無儻石竟同季女之飢不入水漿甘效首陽之餓靜堂  
時當幼稚見母不食亦不食孺人幡然曰吾幾誤矣強顏  
收涕努力加餐謂先君子之箕裘實未亾人之擔荷藐孤  
在側此事誰歸俄焉樹欲分荆莫將煮豆室覬覦而未已  
巢飢餓其堪虞直欲搜盡篋之遺奪柏舟之操而孺人并

檀華館駢文

三

波不起山岳難搖任鶴唳之皆驚祇鵲唳以自弔茹荼食  
蓼迄今垂三十年矣靜堂念畫荻之恩秉折筮之教經通  
七業名高一鬢上其事於有司採入輜軒勒諸邑乘棹楔  
光榮於閭里 絲綸寵錫於朝廷舞綵衣於老萊捧板

興於潘岳室中新婦雅善承歡膝下童孫已工屬對葆慈  
惠之衷操龐視之券斯真心善爲竊眉壽未央者與德等  
與靜堂契訂金蘭交深車笠於鍊賦敲詩之暇得含霜負  
雪之情茲當設悅之辰敬效躋堂之頌酌兕觥而增燕喜  
庶幾報荅三春 頌鳳紙而荷 龍光何減起居八

座

朱孺人五十壽序

代

蔗鄉先生千頃波澄四時氣備青氈衍其世澤夙勵志於  
丁年黃絹抒其妙辭俄書名於乙榜及其宦秦中也寫作  
鳧飛琴偕鶴往劉會稽之清節不名一錢廉叔度之循聲  
競歌五袴吏民服其鐵面僚長鑒其石腸作吏如斯讀書  
不負然而律呂交應斯雖階之奏諧經緯相成斯豈費之  
文絢雞鳴之警齊士賴有令妻燕喜之賡魯侯必資嘉耦  
余與先生梓里結鄰桂宮注籍久聞婉孌知班氏之有大

檀華館駢文

三

姑曾荷品題欽山公之得賢媛今年五月爲先生淑配朱  
孺人五十初度麥風正煖蒲酒重斟凡夫邗衛新姻蘇程  
舊戚桃李門中之士芙蓉幕裏之賓咸思採其彤徽揚之  
青鏤芳猷惠問可得而言朱孺人者觀察某公女儀部某  
公女弟也拖紫紆青舊號勳賢之里懷珠握璞代生英雋  
之材孺人粹毓蘭閨秀鍾藻閥鏘宮商於瑤珮襲禮義爲  
繡裳柳絮聯吟才稱壺史花瓜乞巧人豔鍼神當未及笄  
之年蚤嫻姆教迨乎齊牢以後動合女箴中饋無非洵持  
門之健婦重闈逮事乃入閨之孝孫先生志在四方身行

萬里筆耘墨稼以鐵硯爲生涯月鐙霜鞍作金臺之遊士  
孺人力操井臼親理醪鹽甑無米而亦炊屋牽蘿而自補  
遠方有客內顧無憂凡歷八年殆如一日旣而夢占蓉鏡  
帖報泥金人歸衣錦之堂歡聞雀噪春到栽花之縣

誥錫鸞迴四扇關開三峰嶽秀白叟黃童之衆爭迓蓮輿  
涇南渭北之區頻移棠舍從象服承 恩之日憶牛衣

作苦之年豈不榮悴殊觀雲泥異致也哉然且處逸思勤  
居貴能儉婢肩羅側而襪襦必俟乎手縫僮指盈階而泔  
澣不授於頤使麥來米汁卻蘭肴蕙藉之珍敲破菜根愛

檀華館駢文

重

玉粹冰甜之味所謂貞貞祈福髦髦考祥者非與矧夫寬  
以御下和以養中霍氏之奴無害於市鄭家之婢不辱於  
泥蓋由拔煩惱之根登歡喜之地采花而供鹿女買絲而  
繡鴟王持朔望之齋虔如聽唄展吻昕之禮告必焚香用  
能布作慈雲潤爲德水弄輦絲於膝下女善承歡撫玉樹  
於庭前兒工屬對養悃嫵之度培菑祿之基表柔嘉之儀  
操龐視之券斯真心善爲窈眉壽未央者矣茲者百齡甫  
半三祝臚全夏過重五之期春紀八千之始某等未工橘  
頌藉寫葵忱酌玉醴於瓊筵甘分仙露映錦鐙於紗幔彩

耀媮星會見晴雲鶴舞銜來香水海之籌尤願夏日蟬聯  
積爲恆河沙之數

黃濱漁太翁壽序

天行表言壇天全者宇泰陶元浴素意美者年延是以圖  
繪者英志唐賢之盛事會聯眞率豔宋代之名流與造物  
者遊得尊生之訣蓋之以福古古然矣矧夫萬石門高一  
牀笏滿數瑤環於膝下雁雁成行曳珠屨於門中魚魚列  
隊榮生黃髮喜入蒼顏斯無待粒紫芝饌白石固已邁奇  
齡於亥字叶吉曜於庚輝者矣惟我濱漁太翁山谷先生

檀華館駢文

函

二十三世孫也詩人有後奕葉其昌青紫名宗焜煌於珂  
里丹鉛世業照耀乎觴辰甫駕鳩車雅擅賦梅之譽方嬉  
鳳蠟能通刈稻之詞毛遂之錐人看脫穎豐城之劍氣欲  
干霄而又駿足久停鴻毛莫遇卞和美璧竟韜采於山中  
蔡氏焦琴遽銷聲於爨下先生躬修天爵心淡名場不安  
梓里之居蚤遂桑弧之志以江東之名士爲山左之寓公  
徙倚秦松摩挲抄孔檜海日恣其矚眺嶽雲盪其胸懷枚叔  
之在梁園文章罕匹陸機之遊洛下聲價倍增下吏望其  
清塵諸侯延爲上客弓旌絡繹羔雁聯駢入幕揮毫王儉

芙蓉之府代籌借箸亞夫楊柳之營先生在福則冲惟道  
是仗父兄有教子弟能佳喆弟浴漁羹梅兩先生一官浙  
西樵務媿於劉晏一官楚北循聲儼乎魯恭猶子畿內鳴  
弦光依 舜曰令嗣關中製錦績奏幽風外此諸郎偕  
登仕版地非合浦訝珠樹之叢生門豈崑岡見璫枝之競  
秀人但知謀承燕翼義方之訓居多而不知材萃鳳毛積  
善之家有慶蓋先生懋厚其貌神禪其辭誦獼浹之章潔  
餐馨膳詠鵠原之句讓棗推梨饋糧療北道之貧撲棗泯  
西鄰之隙戚里霑其德水奴星庇以慈雲用能集魯頌之

檀華館駢文

五

三朋臚箕疇之五福觥觥子舍悉鴻鷺鶴峙之材濟濟孫  
枝胥犀角麀膠之彥公自愛其矍鑠人皆羨爲神仙謂非  
髦髦考祥貞貞提慶者與歲逢強圉年屆古稀鶴算頻添  
駟門已大驗大年於鼻息卜陰德於巨鳴鴛漿斟延壽之  
杯斑衣燕喜麟管寫長生之錄 紫誥鸞回某等與令  
嗣或誼屬同僚或交孚傾蓋熟聞矩範敬進徽言青城之  
歲月方長徧植恆春之樹 丹陛之絲綸疊降更開長樂  
之花

夫史書彤管備德壽者爲難詩歌白華兼孝慈者蓋寡女  
宗稱其綉歲母儀重於耄年有子承歡一門逢吉是以綰  
黃拖紫不若老萊之衣饌玉炊珠何如季路之米無他孝  
先蒼志雖啜菽而亦甘子爲賢人不樹蕙而自樂維中翰  
岳一山先生尊慈炒太夫人蘩藻其心荃蕙其質及笄之  
歲動合於女箴齊牢以還無愆於嬪則重闈逮事乃入闈  
之孝孫中饋無非眞持家之健婦淑德譽於婣黨賢聲溢  
於鄉評所在彰彰無勞縷縷乃至鳳簫中斷鵲鏡孤飛泣  
竹成斑茹荼忘苦每當風飆雪虐雨暗燈昏紡車之聲時

檀華館駢文

天

聞於鄰舍織機之暇兼課及兒書緝柳成編畫荻爲字寒  
山無色蒼松獨榮商飆一鳴丹桂齊馥俄焉一山先生書  
名雁塔躋班鳳池淡墨泥金輝耀於蓬華黃麻翠軸驚豔  
乎粉榆孝鯉感和慈烏送喜恩勤卅載報荅三春夫世有  
奉檄爲娛牽衣作別藥名遠志箭出忘歸忍拋膝下之晨  
昏不記手中之鍼線徒使倚門凝睇日暮無聊陟屺作歌  
雲迷不見四牡行役屢愆來諭之期雙魚遠將空有加餐  
之字天倫之樂安在色養之義謂何卽或捧輿而待持節  
以迎而劬勞之餘未堪夫跋涉溫清之節忽擾以簡書況

得馬者有憂履虎者多懼凡宦海目前之風浪皆高堂心上之冰淵封鮓有香不如丸熊之苦絕裾之別甚於投杼之疑雖八座其何安縱三公其奚貴此情此景何去何從而中翰公愛曰情真浮雲意淡甫登仕版卽返家園仰看烏鳥之反哺豈爲魴魚而歸去樹梧之院雅若官齋賜葛之堂榮於書錦太夫人老而稱健安不忘勤早韭晚菘相安於儒素秦篝齊縷未輟乎女紅宵後烏棲曙先雞警飼蠶一箔偕冢婦以縑絲蠟鳳滿庭抱曾孫而戲塾起居無恙笑語皆春謂非聖善之休徽康強之厚福者乎加以中

檀華館駢文

毛

翰公門多桃李室有芝蘭插架之書凡五千卷執經之客數十百人賣賦之金供高年之貳膳問字之酒進介壽之一觴孝思無方慈顏用慰某等與中翰公或忝通門或叨同譜昔從梓里熟聞賢母之徽音今在燕臺想見德門之盛事欣逢八秩遙祝千春

許太夫人壽序

蓋間飾夫人之錦繡譙國分符美壽母於閼宮魯侯輯頌是以象服旌其淑德鸞章美其賢聲自古爲昭於今尤盛采繫於筮莫儷其芳馨樹護於堂倍隆其尊養

楓廷

錫命膺

紫詰於兩朝穀璧承歡舞斑衣者三代烏慈

召瑞燕喜揚休惟王母許太夫人者提督壯節公之淑配  
侍御湘友公之尊慈也裘帶名家詩書右族椒銘絮詠不  
尚華言絲絕鍼神備嫺綺歲講論語一卷慕淑範於曹姑  
諷窈窕諸篇契徽音於妣氏聯姻兩姓得賢女之稱逮事  
重闈知儒門之孝無何壯節公從征金川投筆書生以從  
軍爲樂出關壯士無內顧之憂萬里橫戈五年奏凱以軍  
功授永順都司洵陝西提督卿月方朏孀星竝照細柳  
歸營之暇廚下調羹長楊罷獵之時閨中舉棹從翟莠承

檀華館駢文

天

恩之日憶牛衣食苦之年豈不榮悴殊觀雲泥異致  
也哉乃自鐵額爲妖赤眉煽亂路連西蜀偏多處井之蛙  
石爛南山不少負隅之虎草將滋蔓火且燎原惟公衆志  
成城一身是膽忠而能力國爾忘家歷四五年經百餘戰  
提三千卒破十萬兵爲

聖世建非常功爲生民造無

量福遂使白叟黃童之衆競進簞壺乙峰午谷之間不驚  
刁斗奇勳如此內助居多旣而羊腸履險馬草捐生免胄  
師中騎箕天上吏民墮淚指太傅之遺碑中外驚心失將  
軍之大樹

天子降褒忠之曠典嘉報國之成勞

敕內府以頒金趨禮官而製謚惟時太夫人親營窀穸暫  
返鄉閭鄰里罷春哀動粉榆之社樵蘇絕迹陰生梧櫨之  
林然且慰堂上之高年強顏收涕撫膝前之弱息銳意持  
家越三年率湘友入都念麟閣之先人箕裘派衍爲象賢  
之令嗣帶礪盟堅尋以三等子爵補官郎署晉秩諫垣威  
鳳九苞神羊一角荷 寵榮於湛露記名姓於屏風克

迪前光悉符慈訓太夫人老而稱健貴不怠勤定省有常  
婦人實兼子職平反必問慈母無異嚴君月夕霜晨自理  
敬姜之績馨肴旨酒時畱陶侃之賓檢點齏鹽則惠字九

檀華館駢文

完

族經營錢布則喜給六姻霍氏之奴無患於市井鄭家之  
婢不辱於泥塗斯真德楸母儀行符女史者矣茲者年逾  
周甲嘏祝靈辰日暄衣錦之堂風動鳴珂之里緱笙湘瑟  
竝奏華筵公膳侯鯖歡陪壽罍某等與湘友素叨同譜久  
慕芳型幸報沓於三春頻添鶴算仰起居於八座願進兕  
觥謹綴蕪詞用揚淑範

吳蔗鄉師壽序

今使奇搜書亥談絳縣之遐齡遠溯生申侈青崧之上瑞  
啟秀則花皆鄴菊效靈則樹盡莊椿觴頌徒工卮辭不少

何如侯芭秉牘爲元亭介壽之文康成吮毫作絳帳延年  
之祝語無泛泛說倍津津吾師蔗鄉夫子珂里名宗銅街  
著姓傳家簪笏代馳粉署之馨華國文章世衍青氈之業  
岐嶷幼秉帖肥蚤傷謝公率祖無忝鳳毛到溉有孫親承  
燕翼弱冠補博士弟子尋入成均應京兆試當是時錐方  
脫穎劍欲干霄江郎之筆一枝叔度之波千頃雕龍絕技  
論文則語恥雷同揮塵清談勸客則評高月旦凌顏轅謝  
交呂攀嵇雖屢蹟於風簷終無荒於雪案鈔八千紙數二  
百籤學罷園窺下帷益奮力成宅相乞墅何嫌

先生在都  
寓舅氏汪

樾華館駢文

三

大司馬宅既而天驥籟雲神魚跋浪染衣邊之楊柳照鏡裏之  
芙蓉人方謂玉筍仙班宜栽閬苑金蓮寶炬直到木天迺  
學總三長職膺百里五鳳之樓待造雙鳧之舄旋飛先生  
未就棠封先歸梓里學製尹何之錦徐調宓子之絃袁宏  
赴官仁風入扇謝承行部甘雨隨車牧民如緱氏之羊除  
賊若潮州之鱷鄭男爲字召父作歌循聲溢於鄰封治績  
稱於置吏由高陵攝長安篆旋調咸陽百鍊之刀值盤根  
而益利千鈞之弩因穿札以成奇作吏如仙望君若歲旦  
夫石奮歸來猶稱萬石劉寵徵去曾選一錢古人以祿代

耕君子爲貧而仕誰言宦海盡屬貪泉先生蟬飲同清雞  
廉自勵旣表魯恭之異仍安原憲之貧任范甑之生塵甯  
謀飯顆開孔樽而款客時典朝衣五袴雖增一牀自挂不  
談阿堵還讀我書齋名每當齋閣宵清訟庭晝寂簿書乍歇  
文史堪娛几攤白傅之詩壁挂黃筌之畫硯指鸚鵡得自  
家山碑斷蛟螭搜從官廨招庾公之月談到三更看潘令  
之花春畱一縣仕之優也學之邃也先生其兼之矣矧復  
金鍼在握玉尺頻提懸鏡虛堂妍媸自獻斲輪大匠規矩  
難欺一心持衡水之平多士仰斗山之峻計四年之內三

檀華館駢文

枝棘闔德等先後出門下爨桐椽竹邀賞識於蔡邕冰柱  
雪車經品題於韓愈珠無按劍藥許入籠新鷲出谷而欲  
飛鷲馬加鞭而思奮而且講帷自啟不問束脩清俸無多  
猶叨餽贖甫作埽門之客旋爲入幕之賓不嫌躡屩之來  
且拜解衣之賜潤霑德水蔭荷慈雲此又非豪楮所能罄  
也已月逢建子曰溯降寅座燒荀令之香室舉孟光之按  
佳兒戲綵新婦調羹樂事蟬聯全家燕喜德等從坐風立  
雪之餘得奏雅歌詩之趣事皆徵實才愧摛華鼓點瑟以  
爲歡彈秦箏而奮響此日舞偕一鶴來渭北之諸生他時

兆應三鱣祝關西之夫子

朱潛庵司馬暨秦宜人六十雙壽序

蓋聞駟馬門中卜于公之必大三鱣堂上知楊氏之將昌  
績攷循良侯稱裒德會聯真率人是耆英千畝甘棠蔭勝  
八公之桂兩歧瑞麥榮逾四皓之芝綠醪斟延壽之杯鴛  
漿漱豔丹筆耀長生之籙翠軸聯駢惟我潛庵公桐鄉妙  
裔桂嶺名宗倍馬氏之五常洵盧家之千里梯登雲路名  
早溢於芹宮筆灑風檐識且賡乎莘野西風一鶚南國雙  
鳧儒以道得民學而優則仕除疏從嚴驅若潮州之鱷牧

禮華館駢文

三

民明信駟於緱氏之羊修稼政以劭農犢刀牛劍闢經郭  
以訓士鹿洞鵝湖父以召稱男因鄭志謂非才優製錦治  
洽鳴絃者與今夫千鈞之弩因窅札以呈奇百鍊之刀值  
盤根而益利未逢峻坂焉知驥足之良不遇順風誰信鴻  
毛之健方公之宰興山也鐵額爲妖赤眉煽亂女媧廟側  
蛙處井以爭鳴夔子城邊虎負嵎而恃險草將滋蔓火且  
燎原公乃先事綢繆多方訓練驅市人而使戰得長子以  
帥師眾志成城一身是膽變魚麗之陣破烏合之羣逐蝸  
蝓之兵履羊腸之險每當斷崖絕壑密箐深林矢石如飛

鼓音不止餼糧且盡兵氣倍揚攻敵者必攻心折衝者克折首遂使臺碣左右頓息狼烽蝮峽東西無驚鷲堠爲一州之保障復四境之瘡痍公之力也鷹揚甫奏置臣薦爲奇材 鳳詔特頒 天子嘉其休績俾更墨綬用副

黃堂班躋司馬覘勝槩之凌雲榮等賜魚卜升華於指日加以謀傳燕翼瑞啓鳳毛敦有一經功自勤於蒲柳數符四器價竝重於璠璣長君參軍贊翊戎行先註選人之籍仲叔茂才頡頏藝苑同輩博士之聲我同年某學懋承家才堪華國詞工黃絹聯題虎榜之名讌赴紅綾新荷 螭

檀華館駢文

三

功之寵

命司花縣實近粉鄉從此漢潁黔陽同敷惠

政南橋北梓竝播循聲斯又

聖世之美談德門之盛

事已歲逢周甲日紀生申方繞膝以增歡更齊眉之同慶蓋秦宜人鹿車對挽鴻按相莊經營女布男錢儉能中禮檢點齊籌鄭絡貴不忘勤相夫子以持家聿著銘椒之譽勛諸郎以學古不辭晝荻之勞共仰母儀堪垂女史茲者錦堂星聚珂里風和門正懸弧庭將設悅橘裏彈棊之叟控元鶴以遙來竹中鼓瑟之妃驂青鸞而欲下進安期之棗瑤島非遙熟王母之桃瑤池在望某等肅將觥頌敢獻

后詞青城之歲月方增徧長恆春之樹  
紫殿之絲綸疊  
降更開長樂之花

楊宥峰方伯暨配馬夫人雙壽序

代

宥峰方伯莅官之三載歲在元默節報金穰東抵嶠潼西  
越汗隴葦谷柳湖之北青泥紫塹而南莫不畝棲雁糧戶  
操豚酒金粟生而倉府實簡書省而符牒稀帶牛佩犢之  
豪囷閭於閭井擲雉呼盧之戲早杜於輿臺槐市人來月  
俸溢其舊額萃野賓至風檐拓其新模民情既和官政斯  
暇時則碧露零野銀雲在天芙蕖出波靈毓同心之藕稔

檀華館駢文

壽

稻編町祥徵其穗之苗值公六旬令辰淑配馬夫人五旬  
晉八竝返繁祉合進徽言惟是冰桃火棗之譽語多幻怪  
桂父茅君之號事本虛無侈贊夔龍易啓道訣之漸工摹  
鷹鳳何取肝飾之談惟有上攬 廷評下采輿誦綜冊載  
之數厯核百務之修明彙灌百之歌謠爲介壽之頌禱未  
嫺華說豈曰能精若論蕪詞庶幾一掃方公覽揆之初楊  
太夫人夢見吉雲五色金人現焉佗佗揚靈匪曲江之幻  
相呱呱振響信崧嶽之降神未佩牒鱗蚤游鬢序讀循吏  
傳謂古人不我欺作秀才時以天下爲己任弱冠以經明

行修入貢成均尋官學博乙丑大計卓異戊辰登賢書己巳除漢中府經歷嚴樂園太守知其非恆士也俾作經師兼督水利深頌靡測小鮮試烹悶然若辭見賢士之脫穎驕然立解譬良庖之奏刀攝鳳沔襄城西鄉略陽安康山陽諸縣事凡夫黃沙古戍赤崖舊屯關雄虎頭路隘魚孔石樓土門之勢金牛木馬之蹤靡不繪圖於心視紋於掌方志方慝於是乎周知民莫民依於是乎悉中辛巳以軍功擢鎮安令旋奉 命遷鄜州牧明年奉 命遷漢中守未幾以內艱去漢中士民恐寇君之不來惜召父之

櫻華館駢文

畫

難遇側肩躡踵斷鞞解靴莫不累獻增欷惻惻侘傺乙酉鄂澗泉撫軍以南山藏穢易隱姦回治郡需才用人求舊又以公政有遺愛人結去思疏請留陝需次迺置吏之章未達於 楓陛 聖人之鑒已燭於茆檐復 命

公補漢中守輿情允洽

宸聽惟聰若擊鼓以應桴匪

量鑿而正柄於是舊邦重葺新政增修凡百設施匪可談悉略陽大水城覆於隍爰拯風波之民俾登衽席之上更倡改邑之議求爲安宅之圖新設佛坪廳經始綦難浮言胥動公緹幽鑿險陟巘在原議以裕民築倉通商開道衆

喙因之俱息羣情因之頓安至於開鬻訓士行部勸眠置  
路糧以濟流民出義穀以贖窮子魏貅過境而無擾雉免  
罹羅而必分術授纜絲憫山農之休織書棊正字戒村塾  
之沿譎遂使楚柘秦桑十倍於蜀相歌棠頌黍數符於毛  
詩是時大吏薦公治行爲關中第一名書上考任移西安  
吏民臚公政績作詩三百餘篇哀爲存愛集斯又兩歧之  
嗣響五袴之遺音也庚寅公入覲 皇上座念邊陲垂  
詢吏事公備陳撫綏方略控馭機宜碩畫精通 溫綸  
褒獎旋奉 命遷延榆綏道計公自早年筮仕屈志閒

檀華館駢文

美

曹歷二十六年始膺民社不數載洊升牧守驟晉監司首  
郡方遷頭銜又換凡茲不次之擢具徵特達之知迺 鼇  
禁未辭而陳臬之 命下豸冠甫戴而開藩之 詔

來官不拘以常資人竝驚爲異數乃知鯨鐘闕響而叩而  
鳴者會有時也龍燭韜光而銜其耀者照彌遠也且夫廣  
文一職世號冷官參軍六曹古稱雅地當其任者每有沈  
淪之慨慘爲溫飽之資不孟晉以追羣或呢訾以貽繆卽  
有清人賢胄冠倫魁能亦且跌蕩爲豪疏慵自廢託不才  
於散櫟視一官如繫匏鄭虔醉歌落花細雨孟嘉遊讌吹

帽秋風篆仿蟲書子叔則但通蒼雅詩雜蠻語郝隆則能  
辨媿隅雖羣慕其風流究何關於經濟公內具元識久沈  
下僚當其開芹宮以授書搢槐笏而趨府陶化染學俎豆  
莘莘剔蠹整紛簿書井井水堪樂泮兼營鄭白之渠祝能  
代庖已奏龔黃之績雖使潛虬未起屈蠖難伸而幹治之  
才見推於僚長熙陽之澤早霑於部民奚必荆鐘切玉始  
識昆吾之鋒鏤棗雕藥乃彰王爾之巧及夫被繡服擁碧  
幢漢法除秦周公分陝爲閭閻蒼元氣無散樸以凜純爲  
寮案樹風聲無梯榮以階進銛笛不設而人在鏡中玉壺

檉華館駢文

三

自澄而吏行冰上作一州之率猶是師儒奉八條以行不  
遺丞倅譬諸鐘鈴異器銅無舛聲象兔殊材獅有全力其  
牖民訓俗也仍木鐸之餘音其激濁揚清也亦朱絃之雅  
奏世有入廣文之署登錄事之廳輒以吏隱鳴高弛張任  
意試與攬公宦迹聆公政警得不岌然興遽然覺也哉夫  
人珩璜儷德輦悅含章履泰而謙防儉於逸慕碩人之尚  
襲相君子以宜家安儒素於鹽齏課女紅以縷桌晏平仲  
之豚豆合薦於蘋蘩秦少游之蠶經半得之閨闈允揚芬  
惠克贊循良宜其珮紉金憲階挺珠樹長君以澤宮之雋

書擁青氈次公以鬻舍之英印紆墨綬季也名傳難弟才  
優妙齡管轄之司特專股肱之郡堪佐凡公子分膺之職  
卽嚴親舊歷之階既競爽以承家羣宣猷以報國茲者  
渥承恩睽慶洽齊眉疊捧鸞迴之書竝賡燕喜之頌  
翔機集嘏望景祝延某等與公忝列官聯咸篤寅雅味調  
膳宰詳辨於和同功喻農夫殫思於日夜時親警欵儼奉  
箴銘謂夫從政之津梁童蒙之淺說也活民之矩券老生  
之常談也舉凡均租傭理牒訴男畝婦桑之課鵠湖鹿洞  
之規散見諸家原本六籍空言以布告則奉爲具文緣督

檀華館駢文

五

以爲經則觀厥成效精誠之至金石爲之立開忠信不渝  
波濤因之可涉今觀佳政不負斯言蓋公修身爲弓矯思  
爲矢接人以柘度己以繩敏達者其才澹定者其志不膠  
言以彊聒故令無不行不單慧以自矜故事無不戴猶且  
淵衷白惕谷懷愈沖愧主恩之未酬懷民望之難副  
旣叶勞謙之吉允爲緝福之徵幸接賓筵敢揚政範以侑  
康爵以祈曼齡學宗四知長衍關西之派集成一品更續  
漢南之登

富海帆中丞五旬壽序

蓋聞臺鏡高揭寫萬影而忘疲戶樞內旋貫千齡而不朽  
福須自致壽原可爲古來佐時蓋世之英必有頤神繕性  
之術文潞公之自適望之若仙陶士行之習勤老當益壯  
斯皆吐納六液緘滕九精理務班條外不擾於繁劇握樞  
執要中自葆其聰彊用能翊贊昌圖鎔造庶品浸仁沐義  
集嘏翔機奚必詣門化童慕八公之道祠寵卻老詢少君  
之方哉若我海帆中丞蓋後申甫以降生兼丁孔之才望  
者也先世居遼陽訥音統有部衆邁風雲之嘉會依日月  
之末光 國籍斯登鼎門肇啟中臺北斗清猷白雲之司

程華館駢文

美

三齊八閩宣猷碧澗之表固已世載榮牒家藏

賜書

穆清風於雅詩灑湛露於

宸翰先德某公由工部郎

中出守涼州升甘涼兵備道權藩篆公生於涼郡幼挺英  
姿甫授芸編遽失椿蔭門無擁篲之客野少動輪之賓楊  
氏子孫但傳清白杜家經史莫療貧羸生母田太夫人卜  
孟母之鄰紡敬姜之績用繁務省畫荻爲慈公亦昕夕殫  
精鑽厲求學楹書珍爲祕寶石研泔其餘馨與古爲徒恐  
好丹以非素從師不囿能出藍以染青蓋當駮驥垂百之  
年早存龍鯉豎鱗之志弱冠由太學生授禮部筆帖式兩

書名於油帛仍託業於青氈癸酉登賢書未幾升主事格於例不得與南宮試尋升祠祭司員外郎掌司印充則例館及

皇清通禮館提調道以才暢仕與學優既曠覽平禮園復考信於經笥證衡庫於管子陋絲叢於叔孫時仁宗駕幸木蘭諸臣扈從公以佩懸印鑰留住容

臺遽聞

玉几之憑未攀鼎湖之馭辨陟方於舜典

史尙傳疑考顧命於周書禮難泥古

穀林舊制有

俟參稽

蘆殿新模難憑臆造惟公精探祭義洞悉

朝章識若水之舊儀問崔琳以今事簿書鞅掌如宋弁之

檀華館駢文

罕

攝二曹經緯羅胸如杜陵之賦三禮積優成陟通聰獻明

天子甄獎賢能特授福建汀漳龍道歷任兩浙鹽運

使浙江湖北按察使貴州湖南浙江福建江西布政使擢

盛京工部侍郎兼奉天府尹旋授浙江巡撫重臨舊地

爰發新硲敦本正源興廢舉墜眠俗革其澆弛漑務解其

糾紛西湖謁經精舍舊爲士人學廬軒窗久虛衿佩希至

公豐其餼饌實以縹緗開接士之館大府論文置興賢之

莊諸生問字遂使荷花桂子竝入絃歌東箭南金俱充琛

賚居者月試而旬省聞者景驚而響臻當時播爲美談至

今傳爲佳政海塘障蔽江浙互以長隄霖潦積多歲有潦  
齧駭浪傾岸鹹潮灌田將使財賦之區盡爲斥鹵之地公  
諦觀水勢急捍隄根特創置盤頭四處每當銀山陡落鐵  
騎橫馳奔騰而來折旋而去藉茲洄注之力遏其震撼之  
威將石成金以矛攻盾使脫歡之固鞏於蘇公之隄孟威  
之靴疆於錢王之弩百僚於焉歎服七郡賴以生全

皇上軫卹黔黎憂勤宵旰爰出星使遙臨海壖公猶親督  
役夫視同家事嘗與官僚共議謂省嗇者匪計補苴者罔  
功將欲澹百年之灾貽十世之利必使隄壘硬山難暫

檀華館駢文

望

搖庶綏復迅澆增水不能怒議未果行遽轉 盛京工部  
侍郎未歷任復奉科布多參贊之 命尋授烏魯木齊

都統丙申冬授陝西巡撫莅政宏簡綜事精詳碩量廓其  
有容深頌宥其靡測不苛察以爲智而梟鸞自分不噢咻  
以示恩而蕭艾同潤謂夫銖累寸度不若石稱丈量之簡  
而該也撇波涉田不若乘舟遵塗之逸而速也善牧馬者  
先去其害馬能解牛者不見夫全牛靡譽靡違爰清爰靜  
銛筓收而銜轡緩珪符汰而軒冕澄用能鑒我民依杜茲  
吏謾野有含哺之樂府無急步之聲先是三秦薦饑百賈

騰貴救荒之策難徧於窮鄉饋貧之糧罕儲於上戶公莅  
官視事恢綱廓絃過黍苗之溼灑以郇伯之雨捉蒲葵之  
扇動爲謝傅之風令嚴黠商居奇必禁弊除獮吏舞文有  
誅禾稼不害於秋螟耘鋤罔違於夏鴈昔指困而粟罄今  
棲畝而糧贏加以莠稂務芟桴鼓輟警擾鋤棘礎杜其漸  
楮衣綵綖伏其辜糞遂治齊刀劍胥賣張霸到越戟矛悉  
捐曩之負價擔囊穴室樞戶散衣危帽之黨蓬頭突鬢之  
豪莫不影戢聲消冰解電散村扈無吠野雉能馴獍狎之  
俗頓更顛一之規乃定且夫鑄于鑠之器者兼采青黃之

檀華館駢文

里

英操良樂之鞭者不爭險易之野是以共鑪而冶鍊金鐵  
爲神鋒易轍而行厯山澤如平地公棲身藝圃蒼翮儀曹  
出爲監司俄遷都轉威信及於賈舶綱紀肅於牢盆廉訪  
二州整緋驂而就路旬宣五省滌紅籜以開藩敷厯閩黔  
馳驅楚越其官政之清濁人事之成虧固已剖毫析苾辨  
甲知乙及其官 盛京也講陳禪之道義用祭遵之恩威  
令肅 陪都教行外郡完顏齊開種之地沃於周之幽岐  
長白山蔚起之雲高於漢之芑碭及其莅科布多及烏魯  
木齊也海曰烏梁七種咸隸城名鞏固五方雜居結以厚

和則內利外泄束以峻法則廣虛終荒公周視戎亭肅清  
武帳師范公之遺意以訓邊兵法充國之遠謀以威外域  
卿月所照 皇風載宣斯真所謂長城巨防渾金璞玉  
者也計公早遊郎署洊擢外臺歷三十年行五萬里塵幢  
暫駐則繪圖於心簡牘偶披卽成誦於口恆揆時以度務  
能遷地以爲良譬猶八音竝作而磬枬之韻流五色相宣  
而虢費之文絢所至之處皆氣調時豫恩照信孚茲者碧  
漢含珠黃流順軌蛇盤烏籠之道行旅春糧柳湖榆塞之  
鄉居民按堵罔不家視戶聽腹頌心歌善政之祥允臻仁

煙華館駢文

望

人之利斯溥至若槐夏風涼棠陰日永判牒坐衙之暇凝  
香森戟之閒手魯肅之一編書窗習靜腰仁貴之三箭射  
圃消閒軒車罷乘廐多慣騎之馬七箸何忍池有未烹之  
魚校藝鬻宮甲乙親定賦詩鑠院珠玉交揮每當讌集賓  
僚坐聆談論某山某水朗若列眉一草一花宛然在目倉  
曹爲人物之志君卿兼文獻之稱交已醉於飲醕說更甘  
於食肉斯又見精神之詳緻徵才略之從容矣仁宇恆春  
福疇永錫異數更逾於三接崇秩已歷乎九遷初伏案以  
橫經季常之眉本白迨擁旄而建節萊公之鬢猶青憶南

國之巡行舍艾幾徧作西陲之保障

簡畀加隆師保

萬民周公之分陝右鎮撫百姓鄼侯之駐關中豐澤廣流  
既康且福德輝增耀俾壽而臧公乃谷懷愈冲道風自穆  
今孟秋七月爲公五旬令辰方思謝客戟門齋心鈴閣蓋  
以醴粹爲宅以冲漠爲宗無取肝飾之辭竝阻黎收之拜  
竊念公堂酌兕事仿於幽風國老獻鳩典隆於周禮矧夫  
望高岳牧社納山川聽輿論之僉同更官評之允協某等  
翹瞻憲府久矢寅清出入節樓與聞政要雖卿雲在望染  
翰難摹而霽月當空舉頭共見聊摘橘頌用引椿年酒進

檀華館駢文

器

方壺願添東海之算筵開仙館請賦南山之詩

重修鳳翔府鳳起書院碑記

代

夫遊齊國者騰美於稷山頌魯宮者塞芳於泮水文翁敷  
化特達學廬陽嶠在官肇修講舍三益開徑百年樹人則  
夫書院者士林之壇宇藝圃之藩籬也郡城鳳起書院某  
年前守某人建星霜幾易風雨斯摧蓬蒿被於庭階雀鼠  
穿其檐宇上漏下溼甚於原憲之廬址敗垣頽莫覓杜陵  
之廈余守茲郡見而恧焉爰捐俸錢倡議修葺瓦礫除而  
甌甃聚松梓偃而棠榭更拓新模於舊基構精廬於隙地

軒名鏡史堂曰鋤經仿鹿洞之規顏其左屋揭犧經之旨  
榜於西齋築土成臺樓閣簷以軒翥學山壘石竹柏蔚以  
青蔥計屋五十七閒補葺者四十新增者十有七髹堊施  
焉几榻具焉敢謂歡顏之盡庶庶幾容膝之可安夫茲郡  
也吳嶽峙其南醴泉涌其北訪太公之迹遙指磻溪問馬  
氏之村猶稱絳帳周家十鼓韓公之所摩挲橫渠二銘程  
子之所歎服偉人相望靈氣斯鍾乃者書田鮮收賢路空  
闕科名之草偶茁其萌芽臃腫之材不中乎規矩豈時代  
之非古蓋培塿之乖方揆厥由來有三弊焉古有騎牛讀

檀華館駢文

巽

史牧豕聽經斯皆質越塵凡心兼雪亮披星戴月而穎悟  
自生沐露櫛風而披唵不輟究之入獲人之室乃解運斤  
上成連之船益工操縵無如難甘舞甕蟲難語冰足不出  
里門目不覩鬢宇豈無家塾但有村書隨農丈人遊每荒  
春誦與鄉先生處未免冬烘此其弊一也卽或問字從師  
伐木求友握槩懷鉛而進隨肩繼踵而來宜乎志勵芸窗  
敦興槐市矣然而對牀投契未必論文翦燭長談祇堪博  
笑膠庠有橫經之席偏少書聲膏火豈挂杖之錢乃償酒  
債但逍遙於城市終淡漠於詩書此其弊二也夫畫虎不

成昔人所戒雕蟲小技壯夫不爲不知董策三篇聿闡天  
人之祕唐賢八韻兼得風雅之遺迨文體變於半山制科  
沿於明代任分支而別派須沿波以討源雖曰文章實覘  
蘊蓄此卽姬公有作宣聖復生亦未必易賓興罷舉業也  
士必筐篚六經庖廚百籍羅胸之宿廿八可與談天拄腹  
之卷五千方能落筆今則好拾牙慧輒廢目耕試翻螢案  
之編半屬兔園之冊蠶非食葉何以抽絲蜂不抱花安能  
釀蜜名爲藏用之捷徑實則阮籍之窮途雖掇魏科亦非  
佳士此其弊三也凡茲陋習蓋屬末流塵盞除則明鏡朗

檀華館駢文

吳

蕭稂去則嘉禾蕃願採昨非勉爲後勁螢火自炤何如銜  
曜之燭龍魚沫相濡不若居岫之王鮪矧今經郭洞闢聖  
域遙通聆絲竹於壁中陳俎豆於筵上仰懷賢之閣攬諸  
葛之遺徽焉遊喜雨之亭躡坡公之芳躅焉小子有造古  
人可師黃卷俱存幸不燔於秦火青衿自愛庶無譏於鄭  
風處則通儒出則循吏他日蔚爲國器望重席珍渭水  
自縈重兆熊羆之瑞岐山匪遠更聞鸞鷲之鳴是則余之  
厚望也夫

不冠子客於清水之陽古原之堦獨酌不醉幽棲尠歡將  
乘追風之駟浮貫月之查出乎蒼垠放乎紫澗未之能也  
聞孟熙子有園曰遠眺因往遊焉窅復闌厯幽房珍木駢  
羅麗草交映其中有山焉山之巔有亭焉迺履犖撥蒙  
昔折旋而躋竦立以望嶢榭互其後喬林當其前北不見  
嵯峨南不見文塔客問孟熙子曰子之園美矣峻賞匪虛  
遐矚則礙斯名奚取請解吾昏孟熙子曰姑試思之客曰  
朱曦曉澄碧寓秋朗候雨餘之垂虹送天末之歸鳥抗高  
情於萬仞馳逸思於八極夜則步檐楹憑軒檻氛盍四豁  
檀華館駢文

宅

河漢下垂延朙月於三五數列宿之廿八目上於天極乎  
寥廓可謂遠乎孟熙子曰萬景一瞬戶千人億匪吾所獨  
請言其佗客徘徊於墀廡之間周視良久曰闌鴨呼名魯  
望之震澤也沼魚逐隊莊叟之濠梁也幽蘭被町靈均之  
九畹也叢菊緣坡元亮之三徑也地偏心遠其謂斯乎孟  
熙子曰然然幻境也請言其真客迺俯髻几檢紗幘摩六  
角之鏡捫雙魚之洗剔比丘之幢呵上林之瓦彈史頤之  
鼎簸葛天之錢曰作斯器者影徂久矣今撫遺物如見其  
人子將遊心於物之初與古人爲徒與孟熙子曰然然猶

形而下也請言其上客曰吾讀子之叢書矣包河統洛之  
文吉金樂石之記通幽洞微之旨摘豔薰香之辭東洋西  
洋之考虎韜豹韜之說固已柞雉往牒糠粃羣言今吾入  
曹倉窺鄴架溢目緙縹觸手琳琅蓋將縮八紘於一指列  
六幕於雙睂黃輿赤縣覽勝於几榻之上千山萬川繪形  
於棖棟之下雖子長之探宛委茂先之啟瑯嬛蔑以過矣  
奚必山林阜壤乃爲遠遊哉孟熙子曰然然猶陳迹也請  
言其將客曰得之矣天下莫遠於睂睫之前而重山匪阻  
莫遠於跬步之內而四溟匪遙障目而觀之則一堂隔於

櫻華館駢文

吳

萬里側足而用之則大地墊於黃泉問市賈而識毗俗聽  
塗歌而聞官政面而諛者背而毀厚其貌者深其情醖醖  
不撲勢乃燎原涓涓弗塞行將歸海是以楚人之鉗幽人  
覩之於席上林甫之刀剛者得之於笑中盧不逐魏恐田  
父之乘其敝也雀不利螳見虞人之躡其後也辨足以雕  
萬物而口或如緘知足以窮四域而趾不輕舉交人以淡  
用道以冲防患於微圖事於始譬猶櫟散得壽桐乳致巢  
柱礎潤而山雨來瓶水凍而澗冰壯芳林春豔氣凝於霜  
雪之天紈扇秋捐情盡於炎暑之月能卜者不假著蔡善

相者弗見驪黃昔人云不出戶知天下其子之園也夫孟  
熙子蹶然而笑曰是吾之園也客曰吾亦有園子願遊乎  
其園無臺無榭匪山匪池樹枳以爲籬網蒔以爲壁畫紙  
以爲帳裁筠以爲簾擁城有書耕田惟研階不盈咫尺無  
數弓纖竹幾竿鄰人翹首而不見新松兩株童子引手而  
可攀吾以時徙倚其中逍遙其下方諸子之園如菅蒯之  
與絲麻棘林之與樗木有勸吾恢之者敬謝曰茲已侈矣  
佗何敢求蓋亦審容膝之安恍熏心之厲也孟熙子曰善  
迺命行觴肴核雜進持螯擘脯酌酹而辭吾園之遊請以

檀華館駢文

巽

巽曰

咸甯縣新建魁星閣碑記

咸甯縣治之左有通化門焉震維巽位延庚挹辛繚以齶  
齶之城環以鱗鱗之屋闌闌啟而雲簇輪蹶過而霆砰蓋  
前代之舊基四方之孔道也顧其巒巒巒巒巒巒巒巒巒巒  
露臺之平曠無月殿之崔巍昔有精形家言者謂宜建閣  
其上奉祀魁星以壯輿圖以扶文運或難之曰城東南隅  
有魁星閣矣國士以無雙而貴山峰以獨秀而奇子欲重  
之得無贅甚形家曰否否太倉之粟非子敬之園內府之

金非郭況之穴茲一城之內兩邑分焉彼實三輔之總司  
非爲萬年而特設僅沿舊制弗起新規是何異匡鼎讀書  
暗鑿鄰人之壁安石好古巧爭謝傅之墩也哉或又謂邱  
澤明禋方園怡肖儀璘報祀壇壝僅存初無廟貌之修藉  
妥神靈之位惟星光竝日月象麗穹蒼豈其離天上之舍  
躔戀人間之棟宇且一抔之土何與於人文數仞之臺奚  
關乎地脈而謂增高繼長卽生梁棟之材毓秀鍾英遂茁  
科名之草言同識緯當不其然形家曰昔蔡邕望氣貴徵  
韋叡之宮魏舒通經相成甯氏之宅地靈人傑古古然矣

檀華館駢文

辛

夫在天成象者聯珠編貝之光依人而行者雨師風伯之  
性聖宿賢宿因所值以篤生左更右更愼厥司而罔忒文  
星暗而試官懼少微黃而處士升有象畢呈如響斯應矧  
茲魁宿運乎中央攜龍枕參宣德調政祀典竝隆於今古  
正位何閒於崇卑果使瑤壇琳觀得所憑依煙閣雲臺通  
以呼吸庶人愜好星之素多士伸仰斗之私禮亦宜之吉  
可知也當時搢紳咸聽斯語惟是道謀築室創始良難贊  
覆爲山程功匪易議舉行而不果者歷多年矣靜海高公  
尹茲邑修廢舉墜攷獻徵文邑之士大夫以建閣爲請爰

鳩工而諏吉遂集腋以成裘櫨合椽連修勞月斧珉青瑩  
碧步卽雲梯俯臨鶉首之區遠竝雁王之塔經始於某年  
某月閱某月工竣將栒樂石特授鰥生夫右虎左龍之法  
玉尺金斗之篇古有其書儒者不道然培名勝以勵膠庠  
更有司之盛舉也廊規模以壯桑梓都人士之美談也有  
志竟成厥功不朽從此賢人克聚魁士迭興如商晉之主  
參辰如吳越之戴牛斗升階斯古謂臺曰靈按九域以觀  
文本屬雍州之恆曜攷六書以會意莫疑奎字之沿訛

魏母王太孺人傳

程華館駢文

至

太孺人姓王氏嗣府敬齋先生女祥鍾藻閱粹毓蘭閨蕙  
帶荷衣擅鍼神之巧芹菹韭萁得湯聖之稱固已芬惠翔  
馨莊殊協度及歸我向辰翁也屏雀叶兆堂雁修儀頌桃  
實以宜家銘椒花以返祉然而青緇僅在貧爲讀書紫標  
已空居偏近市賃梁鴻之廡上雨旁風饑糞缺之田披星  
戴月迺捐華鋌用助橐碇分傭係之肸胝供尊嫜之滄瀨  
殫中饋之力龜手不辭愛寸陰之旬鶴髮咸喜可云食蓼  
忘苦茹荼能甘者矣俄焉太翁遠遊閩嶠又客粵臺依王  
儉爲主人置朝雲爲內助攜來金線作嫁徒勞唱罷刀環

欲歸不得蓋翁早年遊宦半世饑驅趙北燕南吳山越水  
別傷春草王孫去國之年喜報燈花遊子還鄉之日雖將  
離頻贈難說忘憂而當歸自儲尙無遠志至是身行萬里  
天各一方粉社長辭萍蹤靡定五羊之城何在雙鯉之書  
罕逢卽或郵筒遠將餅金暫寄而債臺久住適不勝償典  
衣盡捐貧已難療況斯時也膝下蘭芽大都髻鬣庭前椿  
蔭已就婆娑將使夕膳晨餐婦道而兼子職女俞男唯母  
慈而代父嚴蓋戛戛乎其難哉自是以還迭遭祲歲雖有  
期功之戚難爲庚癸之呼乃毅然曰衣食乞人不如饑寒

檀華館駢文

奎

忍我也憂患備嬰勤劬特至擣中宵之練則汗染雙題就  
鄰舍之春則塵霑十指促織不勞乎秋蟀緘愁自比於春  
蠶然且折蓼勵志畫荻課書口不絕夫呶唔百有藉於董  
聒每當蘆簾夜寂蘿屋秋深窗破月來帷單風撼四壁塵  
暗一盃燈昏二女牽衣一郎把卷時磨鐵研雜紡車以同  
聲頻下書籤就機牀而問字刀尺催其文思鞭笞驅其睡  
魔用能戒彼心驚守茲面命吾友滋田隲括六經鉤鈔百  
籍摛班張之鉅製騁屈宋之妍辭皆太孺人之訓也歲戊  
午滋田中副貢庚午領鄉薦駿足長坂鴻毛順風看此日

之揚眉憶疇昔之丸膽蓋滋田登科之歲距太翁橐筆之時垂四十年而太孺人顛顛憂傷亦已老矣滋田孺慕性成帖瞻隱慟謀二親之偕老拚一身之遠征乃孝廉之船甫來仙尉之棺已蓋佗鄉化鶴祇有魂歸曩曰離鸞居然死別嗟嗟人非金石剝蝕何堪心卽松筠摧殘已甚而太孺人一生轍軻八秩康彊卽其神明之不衰宜其期頤之可致滋田方思高翔文苑直上強臺捧毛檄以娛親返潘輿而奉養冀得長畱冬愛稍荅春暉乃遽於乙亥四月八日溘然長逝勞薪代圓卷施之草終傷負米銜悲蓼莪之

檀華館駢文

五

篇可廢所謂返枯爲苑處困而亨者其理果安在耶然而女宗之奉不朽者三陰教之垂備德者四世有榮膺翟弗安擁魚軒或禮法無可稱或柔嘉不足則終湮沒於身後徒焜耀於生前豐碩相懸未可同年而議也滋田名樹德嘗繪北堂績授圖海內詩人題詠成帙鯁生與焉佗時蓉鏡祥占芝泥 寵賁守廉讓而辭百鎰報平安以慰九京寶月有光慈雲不散青閨垂訓久欽孟氏之鄰彤管揚徽更讀瀧岡之表

朱小厓墓志銘

君諱煥字雲標號小厓居咸甯某坊封君松厓公次子刺  
史少廬煒弟也七歲嗣叔父仲昭公慧竝楊烏戲辭竹馬  
四聲立辨蚤異於常童七字成銓競呼爲小友時伯兄少  
廬當鸚鵡之年具鴻軒之概孔北海座上酒尊不空陳孟  
公門前冠蓋恆滿余亦時陪三徑得識雙珠愛池草之生  
春合岑苔而一色竊比之大小秦君焉俄少廬宰東圃潘  
輿遠迎姜被偕往棲參佔之廡不隔西東聯澶濮之牀共  
話風雨花萼相聚怕怕如也余幼歷燕趙壯客江淮見夫  
仕宦之場鬧侯雜進繁華之藪狎客成羣或以狗馬爲豪

檀華館駢文

五

或以雉盧爲戲高歌陳唱巨簪箏琶烹肥擊鮮腸少芘厨  
而君道風自穆俗塵不侵經籍時勤於日耕鉛黃不憚於  
手訂三豕校字一鷗借書寸陰惜而午睡忘尺幅橫而晨  
餐廢每當蛩語秋晚雞嘯夜闌襟袖生寒清興方劇僮僕  
就寢唵聲轉高鐙燄燄其將殘研隆隆而未已昌谷得句  
輒藏之囊中廬陵有詩半成於枕上固已思矯爲矢精盡  
於弓且寄情孔深嗜古成癖辛卣乙彝之器雞碑雀籙之  
文一經撫摩立剖眞贗期山期水仿少文之臥遊應商應  
宮譜成連之遺操藝林韻事殆能兼之歲癸酉以國子生

舉於鄉少廬亦以軍功擢開州牧詩書之報競爽於難兄  
簽判之勞兼資乎子季明年計偕北上余觴之長安寓齋  
觥使方催酒兵迭起君一呷輒止三雅不勝而捫蝨之談  
動傾四座射鵰之技特冠一軍汪汪叔度之波朗朗裴楷  
之玉後來佳器非君而誰旣而禮闈報罷仍返開州方謂  
駿足暫停鴻毛必遇乃積勞過甚靈宅先虧驚齊疢之忽  
來歎秦醫之罔效值管太夫人病臥不起君猶力疾服勤  
手理衾裯口嘗藥餌仲堪則衣不曾解黃香則席必親溫  
屏軀不支恆幹斯棄乙亥十一月卒年僅三十嗚呼旣摧

檀華館駢文

妻

孝筍竝萎慈憲春暉未酬心傷於獺涖白日頻憶腸斷於  
鴿原少廬每話及從前輒不覺涔涔淚下也夫人李氏善  
容善心宜家宜室茱萸之詩未賦瓊瑰之夢已成先三年  
卒無子今合葬新阡負螟有待於佗年化鶴難期於後日  
爰徵素履用譔新銘銘曰

秋柏青青幽人之庭時與喆配共乘雲駟天畀以慧而敏  
之齡悅道琴古學禪畫靈靈光不沫燭此幽局

咸陽關帝廟祝文

代

薄海千八百國聖人視爲一家如來百萬億身佛法彌於

三界良由無私胞與故施濟之量宏具大光明故慈悲之  
用普其生物也不測蕩蕩乎無能名斯天下之至神洋洋  
乎在其上欽惟聖帝仁周義盡武烈文昭代著神功迭隆  
尊號溯篤生於漢室丕振綱常衍道統於尼山竝崇祀典  
深沈智勇化爲霽月光風赫濯聲靈布作慈雲慧日同深  
祇感莫報洪恩伏以前歲秋七月山雨連綿涓流暴漲防  
深瓠子難施捧土之謀積少蘆灰咸抱灌城之懼竊悚惶  
以祈禱果感應之昭彰通以吸呼捷於影響雲師返駕一  
輪現出義車水府安瀾萬頃依然禹甸燕尾之渠無潰龍

禮華館駢文

美

鱗之隔有秋蓋由聖帝靈佑無疆籲求不爽溺由已溺飢  
由已飢如父母之子其子賜則時暘燠則時燠以天地之  
心爲心凡茲耕鑿之倫均在生成之內邑宰謹捐廉俸用  
答神庥昭示將來虔修廟貌鯨鐘象物龍宇鳩工壁粉楹  
丹珉青甃碧址營郭外見帝之呵護邑人在河干明帝  
之消除水患茲於落成之日恪陳祝嘏式薦蘋蘩於庠荃  
宰難窺豈涓埃之可報芹私略展庶臍蠻之能通尙享

太白山禱雨文

代

蓋聞燠暘風雨維時用規吏治聰明正直而壹實荷神庥

既錫福以贊天工亦弭災以拯民命麥秋將屆奈枯槁之  
既成槐夏未臨已蘊隆之有象鴻嗷可憫鮒涸堪憂民皆  
束手以輟耕吏豈安心於坐視虔攄忱悃用布痼瘼伏惟  
太白山神靈昭艮位靜鎮坤維抗五千仞嶽之尊標十一  
洞天之勝應金生水仰福佑於西陲觸石興雲俾神功於  
東岱凡茲秦甸胥賴安全匪獨郿城特蒙呵護竊念乾州  
本屬通衢又稱瘠土民風儉素甘終歲以勤劬軍務倥傯  
羣急公而踴躍乃者憐焚之患適當凋敝之餘自夏徂春  
候逾十月多晴少雨塵起干塍涸流繞郿室之南尙嗟焦

檀華館駢文

卷

土漢時踞梁山之麓况屬高原方焦灼之已深縱廉纖而  
奚補麥登無望更秋稼之堪危草萎不生矧良苗之未播  
小民蹙額下吏傷心伏思農政之不修實以官司之有缺  
或鞭笞弗慎致遏生機或徭役不休暗延沴氣或以訪詢  
疏漏俾下情壅於上間或以陳稟稽遲使 上澤未由  
下逮豈孤煢之失蒼氛禳違常豈訟獄之不平祥和莫召  
敢謂牲牲肥腩虔申禱於平時抑由科斂繁多致叢滋乎  
眾怨多慙素倉深負蒼生蒿目增悲撫衷時懼願歸罪於  
藐躬懇施仁於蔀屋非一身之敢愛念百姓其何辜爲此

趨詣松門謁陳椒醕代三農以請命焚一瓣以酬虔伏望  
急布慈雲渥敷甘澍庶民之好惟雨願明神垂佑赤之恩  
三日以往爲霖俾大地有回春之象好生爲德轉歉成豐  
延頸方殷會毛共戴於虜顛天路隔敢昭告於名山待澤  
人多庶垂憐於下土謹禱

祭邵太恭人文

於虜竹殞湘江菊飄灑縣霜冷西池之館雲迷南嶽之宮  
風獵獵以晨吹但聞鶴弔月溶溶而夜寂惟有鵑嗥搶地  
增悲問天無語如我邵太恭人生從藻閥秀毓蘭閨幼習

檀華館駢文

五

女箴長嫵姆教紉蘭製芰羣號鉞神茹韭菹芹交推湯聖  
華齡就傅解讀伏女之經吉日齊牢克舉孟光之桮時我  
湘芷先生名書乙榜寵荷 寅階光騰鳳沼之輝秩晉烏  
臺之任碧洛青崧之域徧采葳苕楚江滇海之區盡栽桃  
李黃堂奏績綠服宣威凡大君子之宏猷皆太恭人之內  
助然而蓮心太苦榴實多酸花號款冬閱嚴寒而倍秀草  
稱半夏出溽暑而彌芳乃自鵲鏡分飛鳳簫中斷誓將蓴  
螳痛絕離鸞斯時蕙不念憂荼方茹苦荀龍尚稚未解揚  
鬢辭鳳猶雛詎能奮翼太恭人百方鬻青卅載辛勤擇孟

母之鄰畫歐陽之字風饜雪虐紡績年年雨暗燈昏課書  
夜夜慈訓補義方之教桂子蜚香光前兼裕後之謀桐孫  
擢秀此所以雁行宛轉同上青雲鷺序參差并聯丹地者  
也時則一門協吉四器儷珍長君聯屬國之班仲子主宗  
盟之籍萊陽司馬亦有棠封海上飛鳧自成花縣 朵殿  
恩來疊頒芝檢板輿到處各賦蘭陔暉報三春榮逾八座  
方謂夫人城上寶月長明清婦臺前慈雲不散孰意佗鄉  
一去惡耗忽傳并枯孝鯉之泉檐斷慈烏之信於虜痛哉  
昔年警欵已隔重泉今日光陰倏歸大暮飄飄素旒唵楚

檉華館駢文

堯

些以傷心鬱鬱佳城聽虞歌而下淚某等孰聞壺範痛失  
閨型敬述徽音用揚聖善奠椒漿以肅拜愧無茅羞珍異  
之陳歌薤露以同悲自慚下里巴人之曲哀哉尙饗

祭劉藜軒給諫文

於虜風高鵬下月冷鷓鴣楚些唵成悵素帷之蕭瑟虞歌  
聽罷驚丹旆之飄零此子猷所以抱人琴之慟向秀所以  
懷鄰笛之悲也矧夫人宦佗鄉遽騎鯨以長逝年方強仕  
竟化鶴以無歸者乎維我藜軒給諫威鳳九苞神羊一角  
幼初就塾才已辨夫家禽弱甫勝衣遊不隨夫竹馬擅賦

梅之譽下筆有神通刈稻之詞讀書成悟過庭學禮世守  
青氈擲管摛文詞工黃絹傳經甲第綺齡舉芹水之芳積  
學丁年璋質擢桂宮之秀俄焉乙科策射 寅殿臚傳晷  
候花磚簪筆於鳳凰池上春生蓬島檢書於鳩鵲觀中望  
己重天卯金 恩更隆於申錫光依日月秩任風霜肅  
憲度於烏臺珮鏗蒼玉躋崇班於貂珥印貯青囊出聽騶  
鳴會三司而決事入陪豹直列七貴以蜚聲惟公夙夜寅  
恭謀猷辰告屢陳封事輒契 宸衷鸞鷲和鳴世競稱  
爲祥瑞鷹鷂峻厲職無愧於糾彈復以秋典之司分校春

樺華館駢文

卒

官之試冰心朗照簪白筆以衡文鐵面無私啟青箱而得  
士狄梁公門下桃李成蹊孫伯樂廐中驊騮效駕班排玉  
筍座列金蓮而公冲乎其冲損之又損纏綿至性愷悌中  
懷多險陟岵之詩時懷過庭之訓樹是荆花彌敦友愛枝  
如葛藟能庇本根宜其德壽兼隆身名俱泰矣詎意桑榆  
未暮松柏先彫二豎爲灾一朝溘逝夢適徵夫鶴雁歲竟  
戾於龍蛇於虜哀哉骨肉睽違鄉關迢遞招魂何處捐館  
中年伏枕傷心病裏思親之淚近牀執手生前交友之情  
孰爲木石之腸能忍瓊瑰之泣哉某等誼叨梓里味合苔

岑歌薤露以愴神奠椒漿而拜首詎比青蠅弔處虞仲翻  
之遺恨無窮庶幾白馬來時張元伯之精靈不昧於虛哀  
哉尙饗

曰試萬言賦

以日試萬言立馬可待爲韻

將欲摛鳴鳳之奇文扛掣鯨之健筆雖令思抽乞乞句百  
鍊而後成想入遲遲賦十年而乃畢相如則工而不敏才  
固無雙王勃則少許勝多傑推第一而未若妙緒紛披奇  
情四溢人是列仙之侶謫豈從天文騰萬丈之光成還不  
日昔李太白之於韓荊州也駿望夙欽魚書特寄將展步

檀華館駢文

空

以登龍匪屈身於附驥賞音莫遇寥寥白雪之唵知已難  
逢落落青雲之志謂卜夜何如卜晝出我心裁儻所見不  
逮所聞請君面試得若探囊成如操券罪玉詞清截金句  
健多多益善珠聯璧合之文汨汨其來清湧瀾翻之論才  
甯量以斗升陰詎爭夫分寸陋應秀才之豔什紅止題三  
軼張學士之佳篇青堪選萬於是森萬株之瑤樹湧萬斛  
之璇源峭拔則萬峰壁立鮮妍則萬朵花繁騁驪駟則萬  
程候過翔鸞鷲則萬仞高騫意匠通神萬戶之樓臺蔚起  
心兵決勝萬營之鏡鼓爭喧曾披萬卷之書能兼眾美不

愧萬人之敵高挹羣言爾乃覽厥宏裁嘉茲麗什言真不  
朽蟲豈煩雕日計有餘駒甯待絜竿數三而甫上早開斑  
管之花磚指入以初臨已罄金壺之汁儻寫伯陽之卷日  
可成雙若排興嗣之文日當倍十脫半橐而午漏纔聞試  
佗題而申方未入異魯陽之戰罷猶假戈揮比江總之賦  
成居然鼎立宜其品重詩仙力扶騷雅沈香亭畔受詔輒  
成秉燭園中攤牋直寫狂唵則五嶽疑搖長嘯則一杯獨  
把三萬六千場之酪酊思總飄然四萬八千歲之山川目  
無來者偶溷風塵之迹未礙騎驢縱書露布之詞何勞下

檀華館駢文

奎

馬佗若揮毫對客於筵前擊鉢催詩於席左或篇成七步  
意蕊繽紛或韻限八叉詞條婀娜何若此語必驚人神疑  
助我一日儼同兩日繼豈焚膏小言不若大言談殊炙輶  
黃金許換受萬鎰而何慚錦字堪酬贈萬縑而亦可我

皇上治塵宵旰之圖文煥星雲之彩富登萬寶家家荆

璞隋珠

化溥萬區處處潘江陸海躋

寅階而對策

蓬壺之曰特長駐 丙御以觀文對菲之言可采幸多士  
之舒翹敢翫時而豫忘識慚捫籥特申葵向之忱才愧握

瑜竊比席珍之待

風行水上賦

以天下至文蓋取諸渙爲韻

夫易廣矣大矣確然隕然理察於地文觀乎天下有風  
竅原吹萬地中有水潭且盈于聖人見水必觀歷晝夜而  
不舍君子知風之自信闔闢之有權然其道通上下象澈  
中邊猶白之爲白匪元之又元註麗氏之水經祇矜奇而  
炫博披楚臣之風賦徒抽祕而騁妍無關妙諦孰得真詮  
故并取水風合元功於坎巽而渙占風水悟大化於坤乾  
當夫白穩沙鷗紅沈野馬川靜雲停潭空月瀉湖欲涵秋  
灣宜消夏幾條練淨盪空碧兮無波一鏡奩開映蔚藍兮

檀華館駢文

三

如寫象有取乎柔中澤自符於潤下俄焉泡影浮空波痕  
捲地鷓鴣堰外翦破雛藍鸚鵡洲前搖開軟翠非關燕掠  
恰如燕尾之分不是魚吹儼若魚鱗之次旣滉漾以生姿  
更迴旋而如意水哉何取於水惟有本者如斯行乎不得  
不行是謂川之方至孰推波而助瀾乃殊形而異致則有  
蓬根遞響蘋末揚氛冷泠初起颯颯乍聞挹襟袖而延爽  
披桂椒而送芬纒迴扇影旋蹙靴紋溪頭住雨浦面移雲  
春叩爵而秋叩商幾番拂拂曲爲瀾而直爲徑一帶澹澹  
看蕩颺於璇源湧甯擇地儻悠揚於錦水織訝迴文徒觀

其澂灩晴瀾潄潄碧瀨細嫋菱絲斜飄柳帶持散青錢荷  
敲翠蓋徘徊不定天光雲影之閒汗漫其流曲港迴汀之  
外非不心滌冰壺神超塵壒不知道若發蒙象符交泰大  
波小波地籟天籟風非戀水竟如同氣之求水豈招風譬  
諸不期而會動在其中矣不息蓋恣乎乾說而後散之其  
理可通於兌斯豈尹喜之所能占亦非王宰之所能繪客  
有乘畫鷁之舟搖謳鴉之櫓浮翠澂於芳津溯黛波於神  
澣帆葉雲飛浪花雪聚汀蘭岸芷各散馥以貽芳夕雁晨  
鳧競梳翎而刷羽川后前驅風姨善舞洞庭嫋嫋賦屈子

檀華館駢文

寄

之離騷汾水悠悠詠劉郎之樂府良由真機鼓盪妙時止  
而時行是爲大塊文章任予求而予取是知理呈當境識  
戒拘墟張南本觀火而通畫王右軍望雲而悟書罔不得  
言忘象扣寂課虛矧斯文之活潑實一氣之卷舒操非率  
爾引卽躍如風以動之遇水而勢成濯漚水者準也得風  
而力運吹噓海水天風先生移我春風沂水狂士起予風  
定水波蘇子高歌之夜風來水面堯夫悟道之初非鄭公  
之假便風南北惟其時矣豈告子之言湍水東西可以決  
諸方今

義畫天開

堯文曰煥湛露浥其漚漚

雲賡其縵縵燭榮光於德水波淨黃流扇庶彙以仁  
風 恩敷紫渙土有珥筆 寅階校書 甲觀願涵泳  
乎 聖涯快翱翔於道岸水皆東注同觀大海之朝宗  
風自南來請賦卷阿之伴奩

雲母屏風賦

以雲母屏風分隔其間爲韻

昔鄭宏官榮八徙仕豔三薰起樵夫而通籍擢太尉而策  
勳薦國士以無雙登門夙幸感私恩於第五推轂曾勤珠  
履同趨傍螭坳而就日玉珂竝夏瞻雉尾之移雲比肩何  
敢抗體難云此所以儋爵立朝敬不衰於舉主而置屏隔

檀華館駢文

奎

座命且下於仁君也假使略不經心衰然居首孰介其前  
孰出其右不憶陳蕃舊榻此座畱誰竟同陸氏荒莊於心  
安否彼好爵可讓張公一飯尙酬漂母何顯秩之驟膺乃  
初心之自負又使摛謙筮卦揭敬書銘辭尊就卑位竟滄  
於槐棘退讓明禮貴弗恃夫藩屏是猶帳設禁林無區甲  
乙部藏列屋不按丙丁非夫子之經帷何分函丈攷叔孫  
之縣絕恐褻朝廷惟茲佳器製出良工如排錦幃如置紗  
籠如捫瑤壁如倚珠宮氣將吐蜃影欲舒虹鏤冰翦水駐  
月迴風寫楊學士之詩或邀乙覽勒黃侍中之語恍見寅

衷圍向華堂卻訝賓來幕裏張從禁禦居然人在鏡中當  
夫宮漏遙遞御鑪載芬鳳晨鸞夕鷺序鷺羣設屏風之翰  
而帖雲母以續紛明搖電彩澹漾波紋履聲可接衣香罕  
聞免鞠躬之末節省覲面之繁文銀漢橫來判尾箕於兩  
界鴻溝劃處析楚漢爲二軍雖竝坐其何妨不見上下牀  
之別庶相安於無事祇如東西闌之分事可從權閒不盈  
尺人乍離而乍卽儼若比鄰而居地若近而若遙宛似重  
山之隔室落空青座含虛白剖蚌有光過駒無隙同持手  
版無容降程鄭之階各懷頭銜奚事避崔暹之席佗若綠

樞華館駢文

奕

沈鬪巧碧慮稱奇或織朱絲而髣髴或飾翠羽而襍襪五  
金七寶之珍取材最富四摺三稜之樣擇地堪施此則居  
同帷幄蔽若藩籬自大自尊臣知不可迺左迺右王置諸  
其勝唐宮之玳瑁異吳殿之琉璃楓陛之榮光若接柏梁  
之上座奚辭當時踟躕難安子爲恭也今日班聯恪守禮  
亦宜之 聖天子化調六幕 道洽九寰魏疏堪思

上協賡颺之盛幽詩可繪

周知稼穡之艱記姓名則

丹毫親灑

闡政教則翠墨頻頒賢集夔龍緬和衷

於官府秩聯沆漉增佳話於

朝班共仰

辰居鞠踞

懷階墀之下同敷實好威儀肅結禴之間

荷花生日賦

并序

乙亥六月九日爲某某太夫子六旬有六令旦又十五日爲觀蓮節蓮龕夫子譙集僚屬以荷花生日命題同人竝進歌詠爲麥邱之祝夫茲花也清芬遠揚麗質外炳歷觀往牒儒釋豔稱彰宮沼之嘉瑞愜煙波之素心實能出塵離垢顯晦一致賢喆出處有類於斯昔和嶠著譽譬諸千尺之松泉明自號取於五株之柳借物明意孰曰不倫敬撰

檀華館駢文

宅

斯賦以當觥頌云爾

於時赤日亭午積霞燭天荔雲欲蒸樞火初然璋中泚之茵菖冒一水之淪漣娛靈農以攬景仿初度而開筵迺集唵賓迺招賦手碧柰掇冰桃剖薦綠綺之清琴酌黃封之醕酒持向花前爲君子壽夫其孕靈藕於寒泉擢修莖於神澣翦碧雲而葉恢漱朱霞而萼吐綠鱗鱗兮水欲波涼絲絲兮天將雨王母宴兮臨瑤池太乙乘兮泛銀渚縈淨域之所珍豈凡卉之可伍紫飾紅敷炳如畫圖馥掩蘅芷秀竦菰蒲溷泥滓其奚染出澗灑而不濡湛空明之水鏡

溥的皦之露珠萃素鱗與黛甲馴夕鷺與晨鳧越溪採菱  
之女洛浦拾翠之姝嬉遊其下莫不怡愉宜其植液池開  
靈沼擢亭亭凌淼淼省薇麗乎日邊階冀秀乎雲表漾翠  
澌兮鷁飛橫錦隄兮虹繞成別樣之煙霞謝曩日之魚鳥  
儷上界之瑤花軼仙家之瑤草然且蚤拔塵根長畱清馥  
願退處乎江湖許抗懷於松竹雖捧日之難忘自飲水而  
知足晝永如年波涼似浴浩乎徜徉遂余初服夫天之賦  
物也四序亭毒百族陶甄庚更茂迭相爲新清莫清於  
素秋豔莫豔於芳春蘭流馨兮露夕菊向榮兮霜晨何茲  
檀華館駢文

突

花之獨異冒炎歛而益振備莊嚴於衆妙晤清淨於前因  
初何假乎雕飾用自保其天真蘭撓桂權兮豈伊我榮蘋  
蓑翦笠兮豈伊我清厯繁華而自如兮知晚節之能貞擢  
麗觀於羣卉兮用肇錫以嘉名頌曰諸佛之國號衆香兮  
寶蓮千葉燦金塘兮八功德水飫瓊漿兮天風陣陣扇清  
涼兮有藕同心偕行藏兮青房結子永芬芳兮峙爲太華  
峰巍昂兮奉觴稱壽樂未央兮

秋柳賦

碎雨兮零煙望復望兮秋可憐管送迎兮處處耐顛顛兮

年年則見纖柯翠減病葉黃先株株恨惹縷縷愁牽閱盡  
繁華帽影鞭絲之會添來惆悵蝸寒蝶瘦之天徒觀其嫋  
隄陰垂陌上颭涼颭拂清浪津埃遮郵亭向蘆遠青連蓼  
疏紅傍老還有態鬪今日之腰肢愁亦工顰想當年之眉  
樣雖景物之已非幸秋容之無恙然而古道迢迢綠陰寂  
寥袖長如舞帶短愁飄空搖酒旆久斷錫簫瘦影偎煙慘  
淡白門之路前途落日淒迷紅板之橋噪西鳥兮昨夜帶  
南雁兮今朝無多露葉風枝非關攀折縱傍歌臺舞榭也  
覺蕭條憶夫碧玉芽齊黃金縷弱垂卽爲簾張還似幕校

檉華館賦文

苑

擲鷺穿翦拋燕掠喧呼蹴踘之場搖曳鞦韆之索紫韁繫  
兮駐黃驄錦纜牽兮艤青雀昔也芳菲今也零落微茫官  
渡襯縹緲之風帆掩映女牆繪荒寒之水郭則有遠人憶  
遠秋士悲秋悵孤鴻兮肅肅眄雙鯉兮悠悠寒余袂兮木  
末初余佩兮江洲不須玉笛吹來淒涼滿目記否金城別  
後珍重回頭桃葉休呼渡口之韶華非昨楊枝罷唱曲中  
之苦調誰酬又況空房怨婦觸景傷神纔移芳序又值蕭  
晨謂封侯之可覓乃別緒之相循時登樓以悵望羌無計  
以畱春見蒼茫之遠樹雜來往之征塵感所思兮不見問

獨處兮誰鄰淒淒擣練之風半牀落葉濯濯穿簾之月深  
院無人寂寞深閨迢迢古塞蛩冷鶯鶯昏隊隊望秋空  
兮葉亂飛泛秋水兮萍欲碎況夫春色能來芳年不再  
到一江鴨綠又換新條傾來五斛螺青難描殘黛空撫物  
以長歎願及時而自愛木猶如此奈天涯離別之情僕本  
恨人寫枯樹婆娑之態

秋砧賦

荒城蕭瑟委巷天斜秋聲幾處秋思誰家若夫紅葉樓頭  
綠苔徑畔人靜月明鐙孤夢斷四壁寒蟄一天征雁別有

檀華館駢文

七

聲來遞從鄰院鳴練杵兮秋晴敲寒砧今夜半隱隱訇訇  
繁音滿城風乾節肥霜高響清急如蠭沸亂若蟄更番番  
雨驟陣陣霆砰激長空而雲破撼平林而鳥驚則有淒涼  
書幌寂寞琴臺苦唸未已小立乍回星挂檐而欲落風擧  
簾而自開聽遠籟之四起驚寒威之早來何況遠戍征人  
辭鄉遊子旅館三秋尺書千里作嫁女之衣裳憶故園之  
羅綺愁以擣而偏多夜無眠而頻起寄寒衣其未來悵徘徊  
而徙倚艱難慈母線珍重故人袍秋婦悲兮腸欲斷秋  
士怨兮首重搔又何必荒城烏噪斷峽猿號驚疏鐘於山

寺聆長笛於江皋落葉蕭蕭秋欲暮家山遠望知何處客  
魂銷盡擣衣聲底事西風不歸去

幾生修到梅花賦

以我與梅花有舊盟爲韻

客有結宇巖阿振衣塵堦椽拂微揮蒲團穩坐集蓉製芰  
自成世外之清高餐菊飲蘭不食人間之煙火值晏序兮  
無聊賸孤芳兮伴我拈來一笑得非般若之華說起前因  
試證菩提之果相對無言一清如許剔透松巖寒生竹嶼  
皎月出兮空林白雲停兮靜渚依稀姑射之神髣髴維摩  
之女邈焉寡儔淡乎誰與徧觀羣卉怪爾孤梅幾番領悟

檀華館駢文

圭

幾度疑猜菊淡能如未空色相蓮青不染無此胚胎豈花  
號優曇一時偶現豈松名羅漢初地移來曾從五月樓中  
動人遠憶何事百花頭上讓汝先開神仙眷屬雲水生涯  
衆香有國疏影誰家除是修成帶來清福談何容易生作  
名花託靈根於東閣參妙諦於南華任燒百和之香芬芳  
不似縱問三生之石記憶差想入非非緣空有有靜對  
癯顏更開笑口念余情其信芳耐歲寒兮相守香畱紙帳  
喜清夢之將圓味共書鐙期冬心之不負徑已開三丹仍  
轉九所願生生世世冰玉同清憑教歲年年竹松爲友

八垢空九根茂朱霞餐碧瀦漱立黃昏坐清書俯幽厓  
層岫落落情疏珊瑚瘦自賞平生之格逸矣如仙卻慚  
現在之花瞠乎其後眇鶴頂兮丹深藉苔鬚兮綠舊持  
葉之一尊爲梅花兮稱壽乃招琴客乃訂詩盟一枝春  
四座談清世界微塵任高人之得得前身明月愛此夜  
之盈盈陸務觀樹下閒唸頓成幻想宋廣平花前作賦  
未免有情願益修其慧業矣豫卜夫佗生

秋菊

有佳色賦

以題爲韻  
有序

菊之爲花也餐之者靈均愛之者靖節洎乎近代

檀華館駢文

圭

厥種益蕃其見於諸家菊譜者繁富夥夠不可殫  
述王鳳洲曰今之菊麗矣非陶氏菊也夫其抽莖  
播蕊凌風傲霜在幽愈馨雅而能豔今品彙千變  
而性情不渝其色多麗其心則秋譬如王方平之  
朱衣衛叔卿之星冠雖光輝照人終落落有世外  
意儼以鴛鴦文錦蛺蝶纖羅非其類矣今菊非陶  
菊胡不可取而陶之哉暇日讀陶詩至秋菊有佳  
色之句爰製斯賦聊寫秋懷

開東軒以嘯傲倚北窗而臥遊屋繞樹而如帷園摘蔬以

爲羞有花豔豔在庭之幽遇目成色清節爲秋信地偏而  
心遠勝尋壑而經邱誦元亮之遺句緬典午之名流想其  
逖迹柴桑寄情松竹當秋而花有英者菊金萼珉枝煙披  
雨沐爛兮煌煌紛紛郁郁作壽客之羹將食之以卻穀仿  
道家之裝將製之以爲服吾廬旣云愛我書還可讀覽佳  
景於重九羅佳種之百六況今援插堂坳盆移座右靡珍  
不收靡奇不有或指爲繡毬或狀以銀鈕或金帶紫袍或  
錦心繡口或鶯羽之翩翾或鶴翎之抖擻或團粉而白或  
蘸墨而黝或紅如猩色之屏或黃如鵝兒之酒或目以緋

檀華館駢文

畫

桃伍幽人於俗耦或呼爲牡丹儷高朋於昵友色色俱新  
花花相糾莫不影上衣裾光生戶牖憶夫花繁水次春徧  
天涯春何花而無色花何色而不佳何茲色之兼擅匪諸  
花之可儕遠移根於野圃近購種於香街或錫名而從鄧  
或遷地而踰淮落日深院涼風一階鮮妍匪染明淨如搢  
掩丹黃於畫幃紛絢爛於詩牌撐傲骨以特竦入俗眼而  
能諧固將培弱梗灌芳芟疏籬護矮餅排伴萸佩對松釵  
消塵慮宅幽懷助三秋之佳興絢五色於高齋於是徙倚  
窗前徘徊徑北挂壁之琴仁眠漉酒之帽微側俯寒潭之

清冷仰怪石之劣巖翫瘦蝶之娟娟聆晚蛩之唧唧忽覩  
圓華蔚爲香國載芬載葩未莎未棘風翦翦兮催開霜稜  
稜兮來逼悄乎無言天然玄飾引手微舉盈把斯得歌曰  
蒔花供我看掇英供我食愛爾顏色佳爲人駐顏色祝晚  
節之能貞指繁英之密布但自葆其馨烈夫何傷乎遲暮  
爰作頌曰粟粟丹桂溼冷露兮皎皎寒梅空守素兮維菊  
之色天所賦兮佳士在室欣然慕兮佳客入門淡然遇兮  
出望東皋之麥樹兮歸坐東籬白衣顧兮易秋爲春韶華  
駐兮

檀華館駢文

卅

